



09410

敬業堂詩集卷三十一

海寧

查慎



直廬集

起甲申正月
盡乙酉五月

直廬之名出漢書嚴助傳注所以處賢良文學之

臣余不才初蒙 特召出入禁林已踰年矣今乃

取以名集者斷自受職之歲始用彰 恩遇且以

志愧云

元旦 太和殿早朝

火城宛轉度星橋香殿葢葢接慶霄黃繖綠旂龍影動
玉笙金管鳳音調五雲淑氣開萱葉一日春風曳柳條

前一日
立春

鶯綴鴛分真忝竊正衙初預德陽朝

敬業堂詩集卷三十一

一

上元節西苑 賜宴觀燈恭紀

瓊島東瞻璧月圓箭韶吹徹九重天壺傾漱灑金尊溢
盤貯芳馨玉饌鮮絳蠟班隨中使導黃柑例許侍臣傳
太平時節觀燈宴既醉惟當祝萬年

是夕復侍宴 東宮蒙賜玉盃恭紀

曾從繁露記書名 鶴禁傳看分外榮照座欲分鐙影
燦入懷長並月胎盈舉同晏鼎 思加重刻作雲雷製
倍精珍重捧歸須什襲濁醪難向此中盛

春分 禁中雨

小雨流鶯外濛濛紫界墻不知春過半但覺日添長白
髮趨 中禁芳時感異鄉多煩玉階草為我報年光

次韵荅吳西齋四首

青韶同調半兼遲久缺題襟唱和詩自詡狂呼表彥道
難忘好客鄭當時長檠列幕慙分照小蹇衝泥倘借騎

巷北巷南曾咫尺

余借寓與西齋僅隔巷

却從離索想追隨

二老居隣共往還

謂楊玉符孫松坪兩前輩

舊遊歷歷咲談間牆頭

過酒傳鄉語花底移床夢故山万事無如長耐冷一官
何計便投閒舉朝才筆輸吳質借職猶堪押右班

不須作賦擬文通好步詞塲繼國風後輩揣摩工日下

故人傳寫到吳中

時蔣西君乞假將歸

碧香開甕春浮白翠袖分

燈夜剔紅怪得近來貧轉甚俸錢多半給新豐

江湖一別悔難追誰遣閒鷗拂鳳池玩世何妨資客難

敬業堂詩集卷三十一

二

低頭聊喜得吾師同時領袖推東省

時考選臺垣吳名在第一

異代

文章替左司

吳官戶曹時有左司筆記一書

若向此中論臭味莫言甚

楚竟無知

送同年蔣西君假歸嘗熟迎養太夫人二首

泥金纔報隔年春畫繡還迎白髮親同榜科名傳盛事

世家書畫起文人桃花漲後移舟穩魚藻池西 賜宅

新行前一日奉

旨賜宅於西華門內

好片尚湖烟雨色

詔恩猶許住

三句

齒序肩隨別有情多君事我竟如兄直廬並候花磚影

奏帖常聯紙尾名小立官槐曾繫馬重來禁樹已藏鶯

卜鄰預擬同王翰

家聲山與西君比隣

賜宅

不為登仙羨此行

暢春園早桃四首

記曾元夕醉香醪冰雪千林吐白毫今日重來雲錦換
十分春色屬山桃

萬樹垂楊未放青餘寒猶勒水邊亭天然掩映成圖畫
橫展西山作翠屏

浴日博桑躍海東滿天晴色曉瞳矐仙山樓閣無重數
只在紅霞一朵中

烟輕霧薄景遲遲金碧圍中四望宜忽憶江村寒食路
竹梢低拂兩三枝

二月二十五日 駕幸西苑直廬恭紀

翰墨林依 紫苑東親承步輦出芳叢萬間廣夏移天

敬業堂詩集卷三十一

三

上時直廬新經改築 上顧臣等三接 深恩沛禁中
云此屋比從前更覺開敞了

身作紅雲長傍日心隨碧草又迎風直廬便是披香殿
月賜虛慙赤管功

三月二日 上御經筵恭紀

雲日瞻 堯表疇咨啟 舜編誰能窺 聖學猶不廢

經筵芳宴調羹撤花瓷淪茗圓是日停止筵宴 諸臣皆 賜茶而退講官

仍入直縈袖有爐烟講官工部尚書臣 鴻緒掌詹 臣元龍講罷仍入南書房

西苑上巳呈同直諸君

上巳接清明韶光滿苑城曉烟和柳重夜雨為花晴節
物春長好年芳老自驚兩三修禊伴閒話水邊行

三月四日 賜食榆錢糝恭紀

天上星榆歷歷看春風吹綻小團圓柔條摘處青成串
新火烹來翠滿盤槐葉冷淘難比色藜羹舊糝記同餐
他時誇向田翁說此味曾經 賜大官

送陳陟齋都諫請假歸里即次留別原韵

袍笏同朝萃一家歸心偏愛故園花清時 袞職無遺
闕祖帳都門有嘆嗟隔岸黃塵車歷鹿渡江新月櫓伊
鴉到時親友如相問爲道題詩字半斜

寓園紫藤花同紫滄賦

不計千枝與万枝玲瓏巧透竹笆籬圍屏倚翠成宮錦
步障留陰護紫絲蔓引龍蛇皆上走花披瓔珞總交垂
家園手種應如儻忍負東風爛熳吹

敬業堂詩集卷三十一

四

偕同年何岷瞻過古藤書屋時藤花方盛開賦
呈楊王符孫松坪兩前輩

高出檐牙又幾層濃陰特比昔年增重揩霧裏麻茶眼
來對堦前老大藤一片黏須猶待拂千梢歷架恐難勝
祇應火急催新句莫謂先生病未能

時兩先生皆抱微病故云

題學士姪柳邊歸院圖二首

一條虹影亘長隄玉竦橋邊響月題緩轡不愁歸路遠
移家新傍 禁垣西

入直常先下直遲風條雨葉裊鞭絲自從 賜出飛龍

廐

宋時翰林學士例賜飛龍廐馬

不向東家借馬騎

送劉雨峯出守真定

我初遊學來帝京漁夫子官司成君時實助四門教
相臨以分稱師生衆中期許良獨厚洒脫不用常格程
過從往往得一醉叩發談議交縱橫感君磊落有真意
憐我遲莫方成名五言投贈竟長幅氣韻道逸聲鏗鏗
廻環首尾二十載我鬢漸白君顏頰郎潛索米豈不久
一麾出守今專城風前五馬五騏驎叱馭快作西南征
橐駝載書車載酒綠楊夾路聞鸚鵡常山古郡接畿輔
沙泉瀏瀏欣相迎紅蕖繞郭雲錦爛白鷺下浴淖沱清
行人六月汗如濯過此盡愛徐徐行誰歟妙手爲補繪
鈴閣何必非蓬瀛我今一官苦羈鞅欲往相就心搖旌
中山釀熟幸郵致毋令肺渴枯腸鳴

敬業堂壽集卷三十一

五

送掌詹陳乾齋前輩 予假省親四首

夜聞 優詔下承明 特許朝來拜表行親老詎應虛
子職 天高原自近人情道存養志歸非晚風動旁觀
感亦生欲識掉頭瀟灑意浮雲直似從官輕

賓僚地望冠班行直上頻依 講幄旁星漢文章唐許
國臚雲名第宋安陽 兩宮召對無虛夕 三殿摛毫
有報章誰似先生饒至性最承 恩日乞還鄉

曾踰旱海紀開邊出入聲華孰比肩館閣清才傳子弟
蓬壺歸路著神仙望雲地較瞻雲近捧日心隨愛日懸
更喜一門多盛事春帆相望五湖船

一月前令兄陟
齋乞假先行

粉榆鄉社舊居隣華髮趨 朝接後塵新樹忍攀東岸

柳殘鶯猶戀上林春半綸投老知何日入座還家羨有
親總道名園成獨樂十年書局尚隨身時奉旨攜帶
歷朝賦彙三百

池上雙鶴

長鳴相和兩仙禽多在陽坡少在陰偶向清池閒照影
被人猜有羨魚心

恩賜哆囉雨衣恭紀

短褐頻趨道路塵青檀猶是向來貧為憐襖襪隨朝士
特賜哆囉出罽賓燥濕推恩慙厚庇短長稱意荷終身
從今聽雨聽風候傑直堪誇楮楛人

五月朔 賜高麗米糴恭紀

敬業堂詩集卷三十一

六

清暑初交殿角風又傳節物近天中靈符舊繫千絲縷
玉粒新 頒五采筒青蒟香分芑葉綠銀盤光射石榴
紅雲帆不却三韓貢拜 賜還教紀 祖功上諭云此
米本出高

麗自太宗朝歲貢
百石為端午上供

送許不器赴任陳留

風俗陳留好猶傳一縣名人畊莘野徧水入汴渠清百
里才非小三年政必成舊遊高李盡相送倍含情乙亥
秋余

曾遊梁宋
間故云

送張裕齋郎中出守杭州

海宇久昇平朝家重民事吾州繁劇郡牧守詎輕寄相
國門多賢先生乃其季起家科第中駁歷非初試銓除

例引見人地有易置 天子稔公才臨軒親簡畀群情
翕然服公望茲果遂賤子本州民田廬依廣庇抒懷述
所見幸勿芻蕘棄餘杭一都會舊習沿浮侈賓筵糜酒
醪徵逐共遊戲東南際江海隱現魚鹽市黠者半為商
羣群鶩聲利泉絲雖土貢耕紡業間墜往時櫛比場十
室減一二十風最柔弱氓俗鮮倉積去聲好訟其性然因
緣飽胥吏舞文翫吾法噸咲巧窺伺所以古相傳陋邦
號難治我公朱轡出福曜光燭地才大實恢恢心虛恒
惴惴平生開濟量夙昔澹泊志道路方欣瞻風聲已先
駛星羅九屬邑催科兼撫字公行示以廉表帥勵下位
百族豐确殊噢咻同體視公行示以儉變化需漸漬必

敬業堂詩集卷三十一

七

若釐蠹豪先須扶善類弊當去太甚利或興以次洵知
鸞鳳仁遠勝鷹隼鷲公餘愜雅尚山水領幽致開閣挹
清虛褰帷納空翠澄泓千萬頃高下三百寺日為湖上
遊原不廢填委吟賡白蘇什手續歐梅記寧待報最期
佇看 璽書賜

苑中聞鶯

晝與人聲靜牆蕪晷影移四圍千碧樹百囀兩黃鸝
棋熟蠶應老芒屨麥正垂未聾雙耳在為爾立多時

五月二十六日喜雨

前夕齋壇撤醮回西郊今日忽聞雷一軒傍水看雲起
万木無風待雨來 聖與天通終應禱人言旱久未成

災願敷甘澤沾濡意膚寸崇朝徧九域

雨後暢春園池上作

林亭片雨過，方綠濃於染。葉杪滴殘聲，波紋蕩餘點。暑景猶未徂，涼風遽相感。平生微尚在，老去孤蹤忝。復此坐幽清，自然塵慮澹。

題陳允升塞外牧羊圖後四首

誰護儲胥峙，糗糧開邊端。合用陳湯即，看士馬歡騰後。宴犒猶餘万角羊。

鞭策曾趨萬騎先，鏡鉦親覩

六飛旋當初應，咲移中

監雪北蒙羶十九年

橫草功名一例看，牧羊何似牧民難。郎潛此日憐頭白。

敬業堂詩集卷三十一

八

辛苦邊州兩政官

春草如秧際綠蕪，駟群何日首歸途。一蓑烟雨村南北，添寫巾箱考牧圖。

大雨下直至自怡園

急雨催歸騎，虛檐警夕聽。勢沉三徑竹，漚散一池萍。穴蟻緣林木，跳蛙入戶庭。最宜新浴罷，坐看鶴梳翎。

題蕉士上人扇頭墨竹

老僧指上微涼起，攜入先生懷袖中。好是綠筠亭上坐，墨光含雨筆搖風。

移寓城南道院納涼

不信人間有鬱蒸，好風來處晚涼增。滿城鐘磬初生月。

隔水簾櫳漸吐燈書少只宜高閣度牆低聊當曲欄憑
白須道士休相避我已身如退院僧

玉竦橋觀荷花和張研齋前輩

水風涼透鷺鷥肩一鏡爭窺万柄蓮不是玉樓金殿影
直疑身在過湖船

雨中獨直 南書房

窈窕九重闕沈沈萬壽山雨來聲更靜天上坐能閒寓
意同休沐浮踪信往還御溝新漲急歸及聽潺潺

大雨出前門口占

猛勢如潮欲撼城九衢暴漲一門爭去年六月灤河北
雷轉空山是此聲

敬業堂詩集卷三十一

九

送陳子文出守石阡八首

橐筆多番到直廬墨淋漓灑玉蟾蜍一麾自擁 君恩

出巖石先應刻

御書

君為部郎時屢
作行楷書前後再

名赴南書房
賜宸翰

瘦嶺荒江路七千一家迢遞向蠻天不知賤布巴賈外

可有公畦太守田

用南史伏
晰傳事

曷道中開斗大城耀歌處處合蘆笙風流郡伯褰帷入

赤脚花鬢次第迎

清香晝靜雙枝戟碧樹春垂小桁簾預笑鈴齋無俗事

一泓水鏡照吟髯

碑版光傳照裔文臨池妙手繼鵝群翻防訟牒紛難却

判尾爭先乞使君

四十年來好弟兄夢中曾共躡蓬瀛子文初赴選夢與余兄弟同入朝已

而果白頭岐路天南北忍便念念賦涓城

短衣猶記走邊頭烽火遙連古智州今日故人乘傳去

太平時節話前游庚申辛酉余在貴陽幕府故及之

宦蹟知從歷政深單裝寧肯負初心歸舟不載葵花石

要使清名過鬱林石阡府志城南龍洞有兩石如盤形類葵花洞中產紋石俗名醜果任人

賞玩不得携歸

恭和 御製山左豐年歌原韵

周官萊政皆仁政散利恒先重民命平時蓄衆道維慈
臨事承天心以敬五行疇範推皇建九扈農祥視晨正
堯湯水旱其數然補救由人乃前定吾 君御宇軫郵

敬業堂詩集卷三十一

十一

頻流膏沛潤沾幽淪厚培亭毒煦春律峻極穹蓋函秋
旻偶逢小膏占俗儉特渙 大號賙毗貧開倉立發千

万億遣吏徧荷咨諏詢飛鴻在野集在澤六府九紀咸

平均東人誰能忘帝力艱食俄聞奏鮮食禾苗長畝二

麥登鼓腹依然安作息向來 睿慮每宵衣至是 天

顏同霽色明朝尺一傳山莊 帝庸作歌庶事康太平

有象省惟歲飢溺已拯猶如傷幽風十月獻朋酒群祝

萬壽期無疆可知先憂後樂意覆載莫媿 恩難量小臣

矢詩紀上瑞更願岳牧勤官方

伏讀 御製山莊書懷 賜大學士詩恭次扇

頭原韻

雨暘時若驗陰晴無逸 心周稼穡叱夏隴已聞收翠
浪秋場旋見擣紅粳 仁風被賜先元老喜色騰懽徧
列卿共識 宸章難仰荅太和元氣在咸英

疊納涼韻戲荅俞扶九侍御

時同寓道院

晨烟夕靄氣蒸蒸秋水門前幾尺增止酒免償隣負債
施油催點佛龕燈嫩莎院落晴聯步獨樹軒窗雨對憑
寓庭有白楊一株 除却入朝須起早兩鰥何事不如僧

古詩四章上座主孝感相國壽

火維靈輿區灑氣恣磅礴洞庭滙溟泮石廩聳寥廓五
百應昌期元精鼓橐籥大儒乃篤生作鎮配川嶽恭惟
我夫子異采輝井絡曳履上星辰訐謨重帷幄迴翔密
勿地獨力幹樞略立極奠六鰲清剛礪鑣鍔道原幸有
賴不數平津閣

敬業堂詩集卷三十一

十一

正學日淪替百家紛語言我公實聞知洙泗窮淵源妙
窺千聖秘月窟兼天根理障快掃除煥如朝吐曠發揮
爲事業突兀搢乾坤峨峨千丈松迥立無攀援經邦實
致治吾道中行存

勝國史未成簡編就殘脫門戶互排摺文獻恐漸沒
聖朝樹立遠損益鑿前轍大筆待鉅公是非辨毫髮六
館旣弘啟四部亦燦設貫穿三百年搜抉十萬帙迢遙
溯開創細瑣逮季末非公習掌固何由發囊括獨成一
代書凜凜陽秋筆

贊化非一塗調元歷三紀朝端立樞極巒下收杞梓五
度入南宮 至尊深倚毗請看百僚上盡屬門牆士一
歸出懇誠進退鮮愠喜重來資故沃未許久田里公之
視浮榮奚啻若敝屣角巾就邸第寢食善名理上日攬
揆辰川流同岳峙采芝猶有待傳菊煩中使平格天所
豐稱觴今以始

王學菴給諫移寓保安街有詩見寄次荅二首

笑檢空囊付畫叉不妨家具少于車篋中諫紙傳新草

唐制拾遺官月給紙二百張名諫紙牆角吟蛩報晚花置酒可能邀北郭

賣書端合問東家十年瘴嶺煙江路容易星回博望查

學菴兩任
黔粵縣令

敬業堂詩集卷三十一

十二

輓轡縷轉石欄邊儗屋曾棲蒲褐禪余壬午癸未間
曾微居此街古

井再經愁雨塌舊交重聚得天憐明燈照壁何愁蠅綠

樹當門定有蟬稍待泥乾走相覓看君新竈起茶烟

得朱悔人石泉書却寄

蛛絲繳繞鵲聯翩信使來從古石泉躡足憐渠行万里
尺書報我閱三年天垂馬閣真奇險官到龍州類左遷
相勸白頭須作達好詩題徧好山川

奉祝崑山徐太夫人七十壽

早相中朝黼黻臣晚攜麟鳳拜 恩綸五千歲裏三秋
節二十年來八座人星漢高源占寶婺門牆餘蔭在儒
紳黃花酒暖金桃熟遙指西池是海濱

史蕉飲前輩招集一畝園分賦

踏屐衝泥取次行重來忽漫聽秋聲空園樹比昔年老
積雨天逢今日晴世上官情閒最好詩中澹味煉難成
韓家潭外如釣月愛領新涼到鳳城

月夜城南水閣偶集分韻得白字即題陳漁村
峨眉詩草後

高閣倚秋清天空露華白水風吹月上去我若咫尺
時一尊酒速致三峨客稍稍名朋儔羅羅釘肴核盍簪
非意料邂逅心莫逆君生公相家名上金閨籍七年行
蜀道尚爾好顏色懷袖有峨眉雲烟落几席茲山洵僻
左迥與中原隔鬪險出五丁蠶叢始開闢君才雖小試

敬業堂詩集卷三十一

三

實佐籌邊書談咲無滯機登臨挾仙翮徑危蛇倒退石
惡劍中劈日月光攝身雷霆伺投隙雪山帶西竺一万里
赴絡繹豈非所歷高參井手可摘不然域外觀詎肯供
汝役人生百年內知著幾兩屐柰何塵鞅羈頭步恒踟
躕哦詩撫清景不醉良可惜努力營一歡流連盡今夕

題史耕巖前輩收綸轉棹圖四首

銜尾船裝壓浪書鱸鄉風物比何如羨君別具經綸手
釣綫隨身自卷舒

賞花曾記把魚竿南史家傳學士冠四十年中三掌誥
鳳池何似五湖寬

拍殘銅斗酒初醒射鴨堂連避暑亭想得卸帆秋正好

水花風葉滿鷗汀

千里波光一曲移西風吹老碧
莖絲畫圖愛寫湖山意
未是先生乞賜時

熊質均年伯五十壽

半百韶華九九辰

重陽前一日

紅萸黃菊一番新
堂前接武

尚書履膝下承顏進士巾

次君與余同年

風月無邊邀客賞
羹

鹽有味愛官貧

時官國子學正

盈觴酒美須勤置
共識清醇似

主人

陳濂村新闢書屋名曰萍廬中秋後二日招同

人宴集分韻得明字

名園十年別

乙亥夏與濂村共醉高陽相國園亭

蜀道万里行自爾好會

敬業堂詩集卷三十一

古

稀轉頭歲崢嶸聞君昨報最還裝及秋晴相公顧之喜
東閣客已盈吾老不曉事頽然廁群英開筵亦見招謂
是門下生坐我三間廬酌以一角觥爲言聚散地遠近
豈有程點池忽西東浮海或合并所以顏此室而取萍
爲名吾意殊不爾勸君還細傾君才本謫仙偶然去瑤
京玉堂手種樹再到陰已成况復芝蘭增連枝合田荆
謂潛齋學士胡爲不自廣猥作詩人鳴如余乃萍耳一葉漂
大瀛舉頭望秋空雲月遞微明後期難預必得句且再
賡

送靖安叔歸硤石三首

畫鼓朱旗曉日開
廣場千步淨無埃
紫光閣下通名姓

曾與天潢較射來紫光閣在玉堦橋西南武殿試日

畢諸進士

文武家聲荷 主知右班特許綴蛾眉一門盛事傳希

有親見穿揚入殼時叔赴殿試日余與聲山姪俱奉

最喜高堂有老親還家初換綵衣新兩山霜葉紅於錦

馬上爭看第一人余家以武科登

總憲蔣裕菴先生輓詞二首

副相聲華重恢然德宇宏青雲多故吏黃閣是門生相

桐城公出先生禮闈分校門下氣壓松阡肅霜留栢府清憲臺傳故事

存沒備哀榮

帝里移家久堂開綠野宜庭惟栽玉樹坊亦號靈芝卿

敬業堂詩集卷三十一

五

月流丹旆商飈卷素帷薤歌聲咽處慘動是南司

大宗伯長洲韓公挽詞四首

昭代文章伯精靈造化鍾同朝瞻進退上 殿畫儀容

獨具回 天力群歸秉禮宗逍遙歌曳杖泰岱忽摧峯

五雲臚唱後八代起衰時制藝 東朝讀皇太子手選

一冊曾出才名四裔知直惟憑 帝鑒清并畏人知物

望關存歿非公更屬誰

昔去絲綸地還 朝又十年高風仍館閣雅尚自林泉

一病歸難料先生以病乞歸奉 初心老倍堅尚餘毫髮

恨悵望五湖船

折柬曾蒙名扶床得幾回泥塗遲下直幽丈失追陪七月

二十日公病間手札見招是日慎遺墨真堪寶藏緘忍

再開寢門纔隔月今為爨公來

題吳震一中翰詩葉後

張介呂山論交付利那吳均風義老研磨芸香俸校三

年淺藥樹吟成五夜多白樂天禁中夜直詩妙手不妨

偷格律長才倘肯乞餘波一樓準約山邊住山邊一樓震一舊以

名拍手猶能作和歌

東宮召赴西園賜觀 皇上御書匾額大小二

十有九恭紀七律八章

元氣淋漓万象融欣瞻 宸翰闢鴻濛瑤珠海來仙

島鳳翥鸞翔下 震宮光射臨池知浴日筆隨運肘想

敬業堂詩集卷三十一

十六

生風一時喜色關飛動嵩祝齊傳拊舞中

爐烟直上護氤氲松棟虹梁燦欲分殿閣香風浮墨氣

河山秀色映 天文畫傳羲易籌圖秘 念切周詩稼

穡勤御書知稼軒無逸齋共紀本朝家法古書屏銘座付 儲君

真覺謙尊道益光謙尊堂亦御書匾不名宮殿但名堂孽窠寧

羨書飛白響榻難撫紙硬黃 賜出形模隨大小琢成

體製合園方吾 皇慈愛青宮孝欽仰時親輔座旁

到處黃金榜 御書太平堂構慶端居晨曦燭地光相

並列宿周天數有餘大業時時遊藝圃嘉名一一取經

奮日知舊額重鈎勒開卷猶思出閣初日知堂皇太

上所賜額也今移入苑中

翠籞東連紫界牆，林泉交映藹秋方。
龍樓問寢宵常早，鶴禁娛暉景正長。
藻井非烟呈五采，璇題如鏡啟重光。
凌雲百級丹梯上，頭白應嗤老仲將。

儉文圓風光共一天，玉案浮花開漆硯。
銀鈎寫月向澄川，凡魚欲作鯢鵬化。
御墨吞來骨盡仙。

筆陣縱橫氣總降，帝書亘古擅無雙。
九苞翮羽連翩起，万斛龍文獨力扛。
迸散繁星懸兩曜，盡收千派納長江。
人間欲見曾多得，轉幸身依青瑣窗。

茫茫學海望無涯，上殿恭承異數加。
目炫管中窺日月，夢回衣上帶雲霞。
歐蘇小記榮天藻，羲獻真傳屬

敬業堂詩集卷三十一

七

帝家愧作玉皇香，案吏難濡柔翰繪光華。

恩賜新刻御製詩集恭紀二首

宵旰孜孜四十年，元音和暢在詩篇。
天章久與絲綸播，御集新成琬琰鑄。
逸韵鏗金還慶玉，祥風戶誦復家絃。
關雎麟趾胥王化，詩教原推雅頌先。

武功文德並宣揚，間采風謠到省方。
畊鑿万方民擊壤，簫韶九奏帝垂裳。
典謨媿美尊虞夏，花月成篇陋漢唐。
拜捧瑤編還惕息，難憑諷咏答恩光。

恩賜御園十種蒲桃恭紀

十種者一伏地公領
伏地瑪瑙蒲桃四
哈密公領孫五
瑪瑙蒲桃六
哈密白蒲桃
哈密綠蒲桃七
哈密紅蒲桃八
哈密黑蒲桃九
十馬乳蒲桃

上林名果味芳鮮，采摘均從雨露邊。色借紫青相照耀，顆分大小各勻圓。流來馬乳香先喫，釀出龍池品盡仙。便與櫻桃同飽食，紀恩難罄益州牋。成都十樣箋

十二月十九早奉 東宮令南苑冬夜寒甚偶

見硯池結冰以硯池冰為題，汪灝錢名世查慎行、蔣廷錫四人可各賦七律一首。又自製七律以示改正，雪明書幌易生寒，水靜圓池墨未乾。乍結琉璃漆硯裏，自成珠玉彩毫端。微洵倍有清瑩色，一滴還深碧錦湍。凍釋烟雲浮几上，須知下有黑蛟蟠。臣慎行恭和云

研朱滴露一泓寬，喜見冰花結作團。粉色映箋雲母白

敬業堂詩集卷三十一

六

墨光鋪几水精寒，入懷珠玉生奩底。呵氣蛟龍上筆端，計日東風先解凍。詞源如海富波瀾

十二月二十日奉 旨特授編修感 恩恭紀

四首

綸書璀璨下

金鑿同直三人並授官

同日被汪灝、蔣廷錫及

旨者

臣慎行共三人

湛露九重頻，渥澤條冰一。署不知寒，登瀛路許

迴翔入

翰林舊制庶吉士俱於二門外下馬授職後乃騎馬入登瀛門

藏閣書容次第

看總是鰲峰清切地，渾忘弱羽進鵷鸞

玉堂故事久相傳，常吉多充弟子員。支俸例教同七品

隨班

特荷免三年

庶吉士例須教習三年再經試然後授職先是臣等以供奉

御

內廷特免教習皆異數也

身依香案初稱吏

詔賜頭銜不待銓，自

沐榮光心竊媿愧居四十六人先

癸未科進士除一甲三人外與館選者四

十九人余名在第二

螭頭龍尾上陂坨拾級重經拜 命過步接形扉仍注

籍名聯黃紙儼登科較量前輩榮真冒比並同年幸最

多章服不殊 恩遇異一行歸騎擁鳴珂

共道遷鶯傍上林姓名從此列朝簪身微彌覺 栽培

厚地近尤蒙 教養深應臘蘭芽初茁玉先春柳綫已

拖金傾心一寸同葵藿長托堯階仰照臨

除夕前二日 恩賜御書大福字恭紀

景福欣逢介福辰自 天題處自 天申萬年鳳藻輝

宸極一顆驪珠 賜侍臣捧出 深宮榮並受懸同

敬業堂詩集卷三十一 九

御扁墨長新箕疇更行無疆祝敷錫從知徧庶民

恭和 御製除日晚宴原韵

景運循環紀始終年年嘉慶與民同鈞天律轉冰霜候

大地春回雨露功 詔許勲庸承曲宴時無水旱塵

宸衷小臣與凜豐侯戒既醉 恩深 聖訓中 恭讀御製有

平生惡酒難堪飲之句

王學菴生子走筆賀之六首 以下乙酉稿

六十生兒似較遲却緣難得轉稱竒芝田蕙畝從人說

瓊樹天生只一枝

拾得 陳后山詩黃家生子名拾得 添丁未足論烏衣餘慶自清門直

同膝上看文度抱子心情當抱孫

諫草焚來盡去聲有書芸香何用辟蟬魚先教識透之無字徐讀巾箱万卷餘

雙眼摩挲喜可知綠槐陰發去年枝待君添種三株樹要看凌雲合抱時

湯餅筵前客坐深掌中擎出是瓊琳隔簾不用催絲竹兒咲兒啼盡好音

天上麒麟見未曾他時摩頂記徐陵老夫自詡言多驗身是人間現在僧

奉題少詹彭先生捫腹圖

大彭遠祖商老錢世家柱下爲神仙旁人見公腹便便矢口但稱邊孝先我公稽古如力田白晝那肯成高眠

敬業堂詩集卷三十一

二

承明出入三十年朝回日日手一編撐腸卷軸富五千大筆無過許與燕兩宮顧問召屢前官非不達學愈專綠衣有語然不然先生咲指池上蓮誰其畫者調丹鉛此意或向知音傳

應皇太子令咏白杜鵑花

鶴林花本神仙種名字雖同色不同一自根株歸閨苑獨留冰雪向春風披香欲奪氍毹艷披香殿上紅氍毹

堂杜鵑勅賜休誇躑躅紅白居易詩一名山躑躅一名花句躑躅謝恩未蘇軾咏杭州南漪從此三更枝上月定無啼血染芳叢了奏花開

見可亭姪新柳詩偶作一首

偶爲長條作短行此聲不是笛中聲時清關塞無攀折

路近章臺有送迎，濯濯應憐前度態。依依長帶故園情，
春來縱得東風力，莫倚纖腰便鬪輕。

祈穀壇西北積水十餘頃，四時不竭，每旦有群
鳧游泳其間，因名之曰野鳧潭，口占一絕。

潭潭積潦浸城隈，不長菰蒲長水苔。我夢江湖歸未得，
野鳧何事却飛來。

和周過菴都諫閒居雜咏，兼簡學菴西齋四首。
三間道院例支錢，薄俸分緡月二千。日日長閒鎖却
一燈，歸照夜樓禪。

芹泥融棟燕巢新，小社回頭已過春。我本無家一房客，
可憐飛鳥更依人。

敬業堂詩集卷三十一

三

又作三年住帝鄉，蕭齋有味是蒼涼。牆頭山色門前水，
不忍移居過別坊。

官曹西省連東省，門巷青楊接白楊。道是閒居閒不得，
得閒翻爲和詩忙。

下直偶過學菴齋，明日學菴以詩索和，次原韵。

綠樹陰中着兩矍，夕陽移影過東隅。唱酬互入新詩卷，

時學菴與元朗編還往猶餘舊酒徒。謂西有子祝君苗

刊掖垣唱和詩在手，十苗方在手，想像秋禾未歸約我杖，同扶眼前事。

事關遲莫不夢橫溪，即泖湖。橫溪，余所居地名。

南海子

千頃平如指掌收，草蟲趨趨鹿呦呦。駟虞園小樵無禁，

鈎盾田寬麥有秋万柳槎柯沿徑轉一渠曲折入牆流

心同魚鳥便飛放愛作城南十里遊

元時名飛放泊

南紅門接

駕歸途喜雨

時皇上游南巡回京

萬乘回鑾候三農望雨辰自天能潤物到地喜清塵處溝渠急行行榆柳新衝泥歸更好馬意亦踈踈

五月初九日

上御淵鑿齋召大學士臣王書臣

廷敬工部尚書

臣鴻緒學士

臣升元

臣昇臣壯

履臣原祁編修

臣瑄

臣廷儀

臣廷玉

臣名世臣

慎行臣

廷錫等入至雲步石

賜坐賜饌畢人

賜荷花一餅隨

命由蓋珠院延賞樓泛舟回

宣廬感

恩紀事恭賦七言律詩四首

敬業堂詩集卷三十一

三

身依

禁闥已三年天上方知更有天楊柳橋通星漢

畔芙蓉檻繞

御床前游同靈沼魚真樂聽到伽陵鳥

亦仙雲步石邊聯步入臨流高下列芳筵

咫尺夔龍接武隨從容宣勸坐移時

坐間屢遣內侍傳溫旨令臣等勿拘

常

禮烟霄畫入丹青動殿閣涼生草木知有數遭逢關氣

數無私造化荷恩私苑門隔日先傳喚應是今朝下

直遲

詔恩半日許迴翔崑閭遲晝倍長貝闕珠宮環四際

十洲三島儼中央翠屏開處雲流影綵鷁飛來水拂香

共識

天顏多霽色雨餘風物借輝光

玉井移根迥不同秘瓷人賜一枝紅莖從新折流晨

露葢爲含開帶好風擊出榮隨丞相後攜歸香滿禁垣
東此生直願依蒲藻長在烟波浩淼中

題費曉城同年牧牛圖

嫩草如秧水似油雉疏閒放白蘋洲畫師最得華陽趣
不取黃金寫絡頭

送陳秋田宰荔浦

一官万里赴昭州人替君愁自不愁匣硯囊琴非俗物
丹梯碧落是清游九疑路轉收帆驛入桂風高捲幔樓

眞羨揚蘧挈家去王程如砥接詩郵

唐揚蘧曾到嶺外見陽朔荔浦山水

談不容口破而求選彼邑孳家南去

敬業堂詩集卷三十一

敬業堂詩集卷三十一

三

敬業堂詩集卷三十二

海寧 查慎行 悔餘

考牧集

起乙酉五月杪
盡丙戌四月

余自癸未扈

蹕清暑甲申以纂輯韵府留京師

乙酉五月復奉

旨隨駕是秋撤圍後 萬乘巡

邊別由雍安嶺渡庫勒齊河自此抵張家口乃元

時上都孔道今屬

上駟院慶豐司數百里間岡

勢坦迤駝馬牛羊約三百餘万 上按程閱視指

諭臣等云昔

太宗皇帝謂此地宜畜牧今果蕃

息若此遂頒

賜侍從大小臣工人各馬一匹羊

二頭臣亦與焉又四百里始入居庸關臣惟小雅

敬業堂詩集卷三十二

一

之美周宣曰誰謂爾無羊三百維群誰謂爾無牛

九十其牯我 國家考牧之盛不啻千伯倍之詩

書史冊所載得未曾有特取此義以紀盛事云

扈從山莊避暑出都口占

又是山莊扈蹕時

賜衣重著馬重騎邊人望幸經初

伏閨歲

君王避暑遲

雨後過懷柔城外

火雲突兀壓城頭地近黃花古戍樓好是綠陂新過雨

路平如掌接檀州

重出古北口

烟火千家散舊屯饋漿野老候關門自言世得耕耘力

黃犢年來又有孫

曉過青石梁新開路

高入雲端俯作梁中間鑿石得康莊松聲落澗風泉合
藥氣浮山露草香馬爲重經成熟路人貪早度取微涼
詞臣例飽 天廚餼已有中官候道旁

鞍子嶺直廬庭西新設松棚

十丈移岩壑三間蔭苑牆有時松子落隨意乳毛香不
礙流晨露尤宜障夕陽天教人夏健何減北窗涼

發黃田營喜晴

青浮翠積氣氤氳曉色俄從霽色分馬首已迎初上日
雕翎猶帶未歸雲峰皆似染供屏幃樹不論年絕斧斤

敬業堂詩集卷三二

二

曾記上番隨

蹕候灤河新漲隔山聞

癸未六月過此連值大雨

咏金絲桃應 皇太子令

裝束渾疑出道家川原何用覓紅霞偶分高士籬邊色
仍是仙人洞裏花金粉露涼朝蝶夢檀心香颭午蜂衙
尋來莫怪漁舟誤比似桃源路更賒

駐蹕樺榆溝特給官房止宿感 恩恭記

千帳連雲並出關受屢何幸預清班炎埃氣隔無三伏
覆載 恩深抵万間新瓦鱗鱗宜聽雨短牆面面好看
山風餐露宿原臣分每被殊榮輒汗顏

發樺榆溝從新開石梁至哈喇火屯

鑿開峭壁轉龍腰高棧中縈綫一條石叻仰歎泉作霧

雲根倒拔樹干霄向來紆徑千盤轉此去前村十里遙
眞覺太平民樂業山南山北盡漁樵

塞外草花暑月特盛同年蔣酉君用橫幅寫七
十餘種呈院長揆公以絕句屬和四首

頻年隨輦到邊庭自補山經及水經更借玉堂揮翰
手兼收花草入丹青

折枝一派取阿那木本無多草本多六月塞山猶似錦
不知春色更如何

莫嗔嵇鄭難爲狀莫咲徐黃欠寫生到此始知天地大
野芳無數總無名

風翻雨洗枝枝別儷白駢紅色色新誰似先生工體物

敬業堂詩集卷三十二

三

好詩能發畫精神

恩賜御書扇恭紀

聖藻光騰寶篋中五明開處潤濛濛
招攜滿苑松杉氣
披拂微涼殿閣風鵲羽午搖炎熾散麝煤香迸汗珠融
捧歸當暑先珍襲篋箚緘
恩託始終古今注舜廣開視聽求賢人以

自輔作五明扇漢公卿皆用之拾遺記周時外國獻丹鵲拾其脫羽以爲扇名爲鵲扇

烏城立秋和同年佟淵若韵

万壑含朝雨千岩斂夏雲炎涼雖迫判晝夜漸平分
爽自披襟得聲先隔樹聞候蟲吟較晚高唱獨輸君

立秋後一日
召遊行宮後苑
賜宴恭紀十

二首

銀河西繞翠微岡紫界東連宛轉牆一片樓臺先入望
蓬瀛遙在水中央

天然圖畫引躋攀盡出宸衷指點間岩壑不須多架
構下因流水上因山

神川過雨氣溟濛沙土無痕井脈通欲識泉源深幾許
輓轡聲轉白雲中

坡陀幾曲接磬頭漸入仙源徑漸幽忽漫孤雲生兩角
小欄低檻盡如樓

煌煌禁扁麗中天楹帖分題兩兩懸万丈光芒爭耀
眼不知苟有好山川

松鶴陰從積翠生泉蘿烟月一時清以上皆御扁名每經御

敬業堂詩集卷三十二

四

墨留題處記得旃檀別殿名

帶峰傍石布芳筵夾岸鏗鏘奏管絃山水清音消不得
况從天上聽鈞天

一道清流合兩河醜渠中有半開荷分明太液池邊種
重沐天家万里波

插架排籤滿禁林御床左右列森森行宮仍是圖書
府清暑時時惜寸陰

水精簾幙綠莎茵行過星橋別有津除却澆花無汎掃
就中何處著纖塵

疊砌平階茁露芽近看如錦遠如霞塞垣小草生何幸
開作長春花裏花

華貂環座盡公侯 特許詞臣與宴遊
滿引金樽歌既醉 謝恩齊上木蘭舟

敬題 御書東坡詩扇爲法鴻臚作

七輪松扇早涼天 舊句新題 御墨鮮不獨侍臣沾
澤榮光兼被作詩仙

賦得雲抱兩三峰應 皇太子令

万峰齊露頂雲氣欲何之 偶遇參差石還縈縹緲姿
三山遙望處二華未開時 髣髴應難畫形容况入詩

佛手柑

奉旨題畫扇上

名並黃柑種不同 巧從佛號示玲瓏 菩提證果雙林下
優鉢拈花一指中 色映金繩長帶露 香開寶掌自生風

敬業堂詩集卷三十二

五

聞思大士應微笑披拂先教鼻觀通

恩賜 御書敬業堂扁額恭紀十六韵

清暑時多暇行宮日正長 君王親翰墨侍從沐 恩

光是壁皆盈尺如椽總倍常 因心成變化運肘示端方

山海峯濤壯龍鸞爪翅張 堯文開盛世羲畫掩前王

帝賚優無比臣衷懼莫當 身雖依廣夏家本住窮鄉憶

在兒童日親隨子弟行 長貧惟立壁短晷或然糠 風雨

留先築柴荆指舊莊 業傳慙宵構敬止念維桑 幸獲支

門戶終難荷棟梁 數椽天一角 萬歲字中央 隣叟來

扶杖姻親賀滿堂 承家期世守祝 國永無疆

七月二十四日五更發波羅火屯始有寒色

臥聽雞鳴已過三起來攬帶上征驂五更寒色風初北
七月邊聲雁已南汨汨乳泉縈暗谷濛濛霧雨染濃嵐
前行漸與圍場近飛騎如雲隔宿探

烏喇帶秋分日作前夕大雷雨昨日微雪故詩
中紀之

朔野秋光少俄驚草木衰大都殘暑退便是蚤寒來天
霽今朝雪山收昨夜雷匆匆裘換葛節序暗相催

度達陰嶺看紅葉

蛇躡猿攀路僅通溪聲忽轉一山紅行來不道秋纔半
已在寒林薄雪中

中秋夜薩勒巴里對月

敬業堂詩集卷三十二

六

一片中秋月重經古塞看宮壺傾法醞

是夕賜酒果

御客夢

警新寒似雪侵鬢白疑霜拂帳乾故園諸弟在悵望隔
團圓

八月十七日伊蘇河源雪中聞雷食頃開霽

雲黑初防挾雨來俄看黍谷散寒灰千峯雪作漫天霧
万帳風兼動地雷紅樹一番殘葉盡碧空依舊夕陽開
眼前變幻真奇絕天果難將管見推

隨 駕行興安嶺上

橫亘東西路幾千直從遼海控居延盡消伏莽山無樹
不斷靈源地涌泉群牧牛羊量論谷諸藩廬帳列如廛
聖朝不畫長城界一道平岡是九邊

連日扈從由雍安嶺烏蘭哈爾哈至上都必拉
觀圍恭紀八首

連天積素耀威弧，鵲血牛螭力盡輸。梁簡文詩控弦因鵲血挽強用牛螭
看取群情齊踴躍，一人獲雉萬人呼。

初分左右儼星奔，旋列方圓陣法存。千仞岡頭黃纛下，
藍旗兩扇合旌門。

西僧迎輦列香旛，擊盃吹螺動法門。番界從來知佛

大而今更識，帝王尊多論那拉之西有喇麻寺西僧一百五人蒙古每一部落供養

一僧俱來迎謁賜銀緞有差

嵯峨高勢拂雲開，天語親聆指示來。踏遍峰峰沙似
雪，始知身到白龍堆。二十五日隨駕至上都海拉斯臺上諭云此地山形首皆西南

敬業堂詩集卷三十二

七

向尾皆東北向即古白龍堆也

朴渥如飛掠草中，御前窳過疾於風。萬鈞神藝無輕
發，命中仍開射虎弓。

獸自成羣，身自稀。網開四面總天機，白雲一片平如席。
趁取鶻鶻帖地飛。

尾同麀鹿首成羴，千百黃羊合一羣。攔入圍中何所擬，
滿灘鵝鴨鬧如雲。

豹尾雞翹滿後塵，近前傳旨名儒臣。分頒五色離披
羽，榮被雕鞍是八人。二十六日於回勒班庫特力隨圍特賜翰林官山雉人各一尾

雪中戴青羶大帽，上顧見大咲口占紀之

大于煖耳覆雙肩，冰雪騎驢二十年。今日重蒙天一

啖白頭還戀舊青種

隨 駕閱視羣牧恭紀八首

右接雲中左界遠放來群牧十分膘自從 聖祖開基
遠水草新來分外饒

齊色分花望不窮一群拔萃一群空天生驥驟初無種
只在 君王顧盼中

大漠塵消罷戍屯曾收汗血入關門於今青海無傳箭
字息均蒙養恩

肉鞍高出草頭低千百封牛褐色齊漢書注駝駝背上肉鞍隆高若封土
俗呼封牛知有泉源在山外但從沙上覓駝蹄

烏特黃牦種各殊駢踈迭角雜收駒太平畜產閒無用

微業堂詩集卷三十二

八

好入豐年考牧圖

四時邊草閱榮枯垆谷填谿作雪鋪一色万群三百万
不曾輕費大官芻詩疏羊以三百為羣合三十万計之則千羣也今合三百万計之則万群矣

邊戶羣歌樂歲穰素封何必業耕桑家家 賜種滋蕃

息銀餅渾如秬麥香唐披言宣宗賜韋纘孫宏銀餅皆乳酪膏之所為即今乳酥餅也

蒺藜苑小傳唐監苜蓿園荒啖漢家自是累朝無馬政

天留沃壤在龍沙

恩賜上駟院馬一匹恭紀七言排律十六韻

万里平沙屬慶豐更申罔命牧駒駮如茶如火千峯上
為錦為雲一望中有駮幸隨觀垆野上襄敢冀 賜行

宮房星燭地光先見電影流天澤下通玉勒金羈新改
控琯鞍黃帕舊曾蒙丹青妙合將軍畫聲價高踰都護
駉緩轡追陪雙仗近着鞭先後八人同南書房侍直八人同日拜賜
細看六印猶鈴臚唐六典在牧之馬有飛字印龍形印三花印風字印賜字印出字印其形
容端正擬送尚乘者以飛字印其臚臚乍拂三花待翦鬢不分牽來遊果
下且教行處避芳叢疾徐本具馴良性安穩寧資調習
功筋力將衰蒙 聖鑒嘶鳴欲效託微衷院中例借知
應免衆裏齊驅學漸工躑躅身輕辭社燕飛揚隊逐入
關鴻食貧慙媿薪芻儉種貴夸張阜極空照夜俄看歸
路白經春旋試軟塵紅翔麟花與飛龍廐蕃錫 恩深
念匪躬

敬業堂詩集卷三十二

九

上御帳殿南門 命侍衛試調生馬 召臣等

同觀恭紀

步澗蹄高齒尚童

尚書大傳童馬不馳

忽驚一顧出 重瞳賞加

化牡驪黃外

恩在駟馳駕馭中杏葉裁韉初被錦桃

花作汗欲噴紅龍洵騏校皆天廐冀野從看方馬空

雪後 賜酥酒恭紀

馬足瓊瑤十里衝到來稠疊 賜黃封土酥點雪脂凝

白官釀消冰乳滴濃寒斂衾稠禁永夜温同狐貂禦嚴

冬銀罌翠杓均天澤醉飽春回草木容

行經獨石口外

獨石西南路最紆時平關隘失崎嶇灤河源在千山外

流過元朝避暑都

下西巴里臺

直下初從万仞顛忽於井底見炊烟松風夜轉潺湲水
知是山腰一眼泉

即事

童子提壺斟馬酒老翁曲項奏胡琴近前爭博 君王
笑真見諸番愛戴心

張家口

北風獵獵上旌旄古堠連山峭偏天鎮將時平多扈蹕
六龍五載一巡邊

宣府早發

敬業堂詩集卷三十二

十

星羅城堡屹相望地是雄邊舊教場漸近關南秋尚暖
雁飛先過鷓兒梁

重陽下堡道中

垂楊全綠菊微黃九月關城未降霜踏盡烏桓千嶂雪
却來平地作重陽

入居庸關

截斷雲頭作翠屏官溝南瀉水泠泠黃花催熟旗亭酒
咲脫重裘度冷陁

居庸關名冷陁太行入陁之一也

彈琴峽

沙紋練練溜涓涓似有鳴琴出響泉松磴曉含三尺雪
石牀秋語七條烟聲希不信心間有悟徹原非指上傳

莫聽鼓鞞思將帥清音今屬好山川

恩賜羔皮袍料恭紀

授衣時節恰歸期裘敝重叨 聖主慈飽食始知肥

美臣素不食羊近奉旨賜嘗洵美味也敵寒尤覺乳羔宜製成刀尺憐柔

毳謝莊賜裘表靡毫柔毳省對冰霜凜素絲行與都人還示儉三

英五絨在風詩

山莊雜咏有序

山莊者我 皇上避暑行宮之統名也臣以草茅新

進再塵扈從自夏徂秋往返各閱百餘日其間山川

風土之美草木禽魚之狀一一俱蒙 恩指示凡耳

之所聞目之所覩口不勝述則紀以小詩合成三十

敬業堂詩集卷三十二

十一

首用備遺忘不揣蕪詞並呈 御覽

朝涼夕爽絕氛霾晝裏山莊處處佳 聖德如堯惟尚

儉采椽不斲土為階古北口外行宮凡人所皆無丹牖之飾

章奏多從驛騎馳行宮勤政日孜孜三更樺燭明如晝

又是宵衣乙覽時唐太宗每以甲夜視事乙夜觀書

溪藪山穀味有餘 慈幃時達問安書往來中使頻相

望何異宮庭侍起居每得新蔬輒遣中使馳送 皇太后宮

阡陌橫從時藝區幽風七月繪成圖瓜瓞豆莢田家味

帶露朝朝進 御厨

烟光濃澹寫晴空多少旌旗掩映中大抵無峯無好樹

一峯不與一峯同

幾暇濡毫有万行臨池無體不飛翔蛟龍噴作巖頭雨
千澗流來墨瀋香

畫鹿宮門樹射棚冬膠秋幹試初呈靜中人籟皆天籟
朱鷺單傳中的聲

嶺復岡重不記名石在隨處瀉琮琤濛濛薄霧沾衣潤
雲縷多從水面生

小雨初過月未升浮浮空翠暖如蒸不知濕氣消何處
萬竈炊烟万帳燈

林幽谷邃暗霏微過午人人換袂衣預卜明朝天色好
相風微動栢黃旗

松蓋年深雨露滋茯苓琥珀化應遲太平是物爭呈瑞

敬業堂詩集卷三十二

十一

枯栢先看出紫芝

赤芝產落葉松根

灤水清流比漆沮霽潭潑潑漾菰蒲細鱗栢綠皆堪鱸

不數紅鰓巨口鱸

細鱗魚重唇身有黑斑栢綠魚色微綠皆灤河所產

泡子河淤烏鹵開霜華彌望白皚皚邊民聽食天然利

只禁鹽車入口來

泡子河生天然鹽不待煎熬而成蒙古用小車載以貿易

煜煜蒼龍尾角蟠小星如沸鬧林端乍驚三尺飛光度

螢火大於金彈丸

塞外流螢極大光可燭三尺許

泥金細縷簇龍鱗首尾中分翡翠紋頗訝賦形同蠍虎

試看噓氣却成雲

山中蜥蜴長四寸許頭以下色如翡翠有紋如魚鱗尾作金色吐氣爲雲

上人呼爲雲虎

多年沙土養奇材照夜渾疑吐蚌胎可是水中真蘊火

但生涼燄不然灰山杏根入水千年光如水
精夜置暗室中毫髮畢見

鏡頭長尾口如鸚肉翅旁連四足俱猜是千年老蝙蝠

問名方始識飛狐飛狐銳頭缺口耳小尾長毛深褐色
翅如鼈裙四足生烟中前二瓜後五

爪能飛不
踰尋丈

叢間撲椒葉先枯歐李駢晴似火珠長路微甘供解渴

馬鞭爭挂紫珊瑚歐李一名烏喇奈子如
櫻桃而大味微甘而醉

青楓烏柏自喬柯映日多成錦繡窩片片丹砂開障扇

就中椶葉得霜多椶樹葉大如團扇初生時可裹
粉餅蒸食秋月經霜鮮紅可愛

山梨微澁杞漿酸崖蜜煎從翠釜頒珍重蓬萊金醴味

不傳方法向人間山梨枸杞汁經煉成膏味
皆鮮美上嘗以賜近臣

榛實初生如粟蓬秋來采掇出低叢雞頭剝玉差相並

敬業堂詩集卷三十一

十一

餽釘曾無一顆空俗云十榛九空塞
外所產不爾也

難憑本草考稀苓異卉竒葩眼未經滿地根株移不得

金蓮垂實菌收釘地產金蓮花
及猴頭蘑菇

官馬如雲盡上膘便經霜雪也肥饒地黃牧宿人人識

何似連山盡藥苗

千盤百折上興安寒燠平分咫尺間忽見万松齊落葉

人言山後是陰山落葉松生興安嶺北
秋冬凋落與凡木同

道是山鄉又水鄉四時多半領秋光西風欲起馳爭圖

早雪將飛麝退香

雲端千仞跨晴空真有飛梁巨彩虹番語漫傳生吉兔

佳名新賜玉玲瓏達陰嶺東北四十餘里山顛巨石百
餘丈中通一門望若飛橋蒙古謂之

生吉兎
改名玲瓏山

皇上

晨隨羽衛愛山行夜宿周廬倚幔城自入秋來常起早

挈壺攢點最分明

詞臣帳房在行宮南門外五十餘步欽天監司漏處也

畫屏環繞直廬倚草色常先柳色黃八月初頭風力緊

夜來傳 旨禁燒荒

塞外草枯禁野火謂之燒荒犯者法綦重

蝗不成灾歲有秋直從畿甸到邊頭更教州縣除蝻子

預計來年睿慮周

秋來蝗不為灾皇上為明年慮命畿輔所在徧掘蝻子

溪流經雨雜清渾茗椀頻露 雨露恩日給大官泉一

斛祗應飲水亦思源

自發哈喇火屯恐河流渾濁致傷脾胃賜臣等官厨水日一石

丙戌上元夜 召入西苑觀千葉蓮花燈恭紀

四首

敬業堂詩集卷三十二

古

太華晴光絢晚霞良宵移入 玉皇家月華滿苑清如

水湧出峯頭十丈花

天香飄下葢珠宮映水俄驚太液紅不夜城中光四照

南薰先應五絃風

不羨金蓮畫詔回恍疑風引近蓬萊分明千佛光中現

併作紅雲一朵開

彩棚高倚 御樓懸千萼多從一帶聯不是大羅天上

見人間誰識火中蓮

潤木弟授庶吉士二首

初聞唱第向 丹墀再見班行雁序隨桂發五枝曾有

識余家廳事前有老桂癸酉八月開花忽作深紅色異於常時甲戌乙亥丙子丁丑皆然自是余兄弟及兒

子相繼登第

楊穿三葉可無詩

白樂天與弟行簡敏中先後及第故其詩云楊穿三葉盡

人 家門我已推為長仕路君猶笑未遲何事相看兩相泣雙親見背已多時

早緣貧賤多離別老去依依勝得朋小閣重添聽雨榻短檠分點入朝燈浮踪到海翻相聚歸路如天豈易登寄語阿頻存晚計且來共飲一條冰

時德尹在揚州書局

哭樊桐姪二首

丙戌五月初一

二十年前哭乃翁遺孤抱出尚孩童可堪留取昏花眼看汝成人又送終

单丁門戶剩嬰孩收拾殘書與寄回永訣有言吾不食三千里外為誰來

敬業堂詩集卷三十二

十五

敬業堂詩集卷三十二

二十年前哭乃翁遺孤抱出尚孩童可堪留取昏花眼看汝成人又送終
单丁門戶剩嬰孩收拾殘書與寄回永訣有言吾不食三千里外為誰來
敬業堂詩集卷三十二
十五

敬業堂詩集卷三十三

海寧 查慎行 悔餘

甘雨集

起丙戌五月盡九月

入夏以來畿輔稍旱自五月二十一日 駕發西苑
大雨五晝夜田疇霑足萬口歡呼咸謂 聖天子軫
念民生甘霖應期不禱而自至視靈雨甫田諸什不
既多乎哉臣以珥筆隨豹車之後沐膏澤而咏豐年
固其職也

五月二十四日

駐蹕密雲連夕大雨

輦路涼生暑乍融到來連夜雨兼風四山雷轉車聲外
万帳燈浮水氣中入夢似聞泥滑滑占晴行見黍芄芄
頻年眊筆慙無補枕上吟成願歲豐

敬業堂詩集卷三十三

一

謝

賜普洱茶

洗盡炎州草木烟製成貢茗味芳鮮筠籠蠟紙封初啟
鳳餅龍團樣並圓 賜出儼分甌面月淪時先試道旁
泉侍臣豈有相如渴長是身依溼露邊

喀喇火屯口占

水無蚊蚋地無蝻寺有幡幢石有龕山是膏腴溪是乳
草如桑葉馬如蠶

蔣酉君同年爲余寫芙蓉折葦扇頭小景戲題

二絕

偶拈秃筆寫霜容點綴誰知不取濃會得江湖清氣味

畫像留

先生出都時留秋帆畫卷命題後復奉手書命慎行校閱歷年詩集

到頭天莫問

公自有千秋

壯歲官情澹懷歸至性真科名無媿色

庚辰殿試公第一人及第

巖壑早收身穉子將周晬高堂正六旬懸知方易簣俯

仰劇傷神

歷憶追隨地多慙屬望情早曾同座主

癸酉鄉試慎行與先生同出清

溪徐公廬陵彭公之門

老及作門生寢哭知何日心喪痛失聲灤

河兼淚雨滴滴向南傾

題西君爲家少詹姪畫四時花卉卷二首

乍驚五色江郎筆幻出黃筌四季花知是餘波多綺麗

未妨游戲亦名家

敬業堂詩集卷三十三

三

吹開吹謝自年年人世風災絕可憐一片丹青非色界

四禪天是養花天

佛書有初禪二禪三禪四禪天至四禪天始無風災

座主總憲吳公請假旋里恭賦四律寄送

乞歸偏在

眷深時臺望非公更屬誰岳峙淵渟瞻氣

象蒼松白石表襟期久持綱紀群僚肅獨抱冰霜 聖

主知真喜太平多盛事大臣進退總逶迤

法曜文星並一垣高從河漢溯淵源回瀾力比鈞衡重

下士心忘副相尊秘閣有書皆博覽岩廊何事不深論

即看拜疏辭

朝後尚引肩輿到苑門

公前赴西苑辭歸上特命肩

輿至小東門慰問賜茶真異數也

詔恩暫許憇林間不比尋常賦遂初別路人皆期健飯

引年公未及懸車一門老去仍同爨八座歸來只舊廬
何物眼前當七發尊鄉亭外有鱸魚

一時祖帳盡名流才子同朝挽不留三殿文章行接武
五湖風月侍歸舟蒹葭隔岸雞催曙橘柚開園雁報秋
我是歐陽門下士柴車何日獲從游

題少詹姪寫經圖時在塞外直廬

我觀人世間知巧競一途乃至事所生虛名亦求沽不
見古孝子用心常近愚愚則本乎樸樸爲誠所孚苟有
裨於親寧論事有無嗟經祈冥福此語傳浮圖庶幾抱
微誠上荅父母劬通乎立教意可以輔吾儒宮詹吾宗
賢至性具髮膚少稟二人訓學優過庭趨出爲鸞鳳鳴
歸作膝下雛中承贈君訃痛絕天難呼北堂垂白母爲
爾增歔吁躑躅進水漿傷哉反哺烏母氏繼下世兩喪
一時俱平生風木悲血泪交模糊君時年盛壯頓覺形
神臞霜寒宵寢磚味苦晝茹茶旁人競相勸勸保七尺
軀似聞西方經報恩古有諸親恩等山岳子報真錙銖
遂發寫經願寸心懷區區幃前一辦香几上墨一盂竭
我兩眼力拚我十指瘡眼昏指如椎口誦足雙趺誦已
還慟哭罷復細書如此踰兩年白抽頭髻須當其迫
沈痛信筆非臨撫果然妙蓮華一一紙上敷一卷萬餘
字七卷七萬餘人天合掌敬燦若琳琅珠俞子亦好手
爲君寫成圖今來十五霜故山拱楸梧偶然展卷看清

泪猶承臚我生乃鮮民踪跡歎早孤先人尚淺土齒髮
日夜枯作詩志吾媿汗出成沾濡

八月十三日 駕幸翁牛特恭紀時八公主下
嫁於都倫郡王

一統車書域三朝雨露天名藩星拱極 法駕日臨邊
遐裔元家貴崇姻 聖代聯肅雝輿衛盛錫賚禮文全
事與和親異 恩加屬國專不煩湯沐邑特給冰衡錢
甸服居相近華風被獨先丹青開殿宇錦繡裹山川封
爵原仍舊王庭遂不遷副車常侍 輦駙馬每從田負
弩鸞鑣下呼嵩豹仗前從看外孫國望幸自年年

木克帶西行十八里山下有湯泉

敬業堂詩集卷三十三

五

北行漸入苦寒鄉喜見湯泉湧道旁自覺温能回黍谷
或云下必有砂牀波浪痕消盡冰霜氣石髓流爲草木香
便作解衣盤礴地暫時休澣也清涼

中秋夜柳林口翫月與王符先生及亮功紫滄
西君三同年小飲偶成十六韵

露白霜清候千巖万樹頭銀河斜繞塞金鏡迴懸秋輪
自東隅上光從西極流天長雄鼓角野靜散貔貅星火
移躔避關山倒景收賞應同 北闕興不減南樓蕭爽
披襟得高空與目謀幾年叨扈從一夕抵旬休已免攜
衾直還爲秉燭遊王程千里共 恩賜兩宮稠佳果充
拌按鮮禽入膳羞班荆傳酒令隔幔數更籌餅似團圓

樣詩須酌酌訓老狂尤爛熳小坐獨遲留明日追成夢
吾生咲若浮起來林影下嵐翠濕衣裘

八月十九日 皇太子睿賜初白菴扁額恭紀
十六韻

地近瞻 儲聖天高鑿積誠三光開 睿筆四海識菴

名夙昔棲禪志今來戀 闕情青雲垂欲上白髮正初

生有作皆邀 賞非才竊自驚蓬茅沾雨潤葵藿向陽

傾感激桑榆晚駢馳歲月更去家無累遣下直有僧迎

往往誇儕輩時時話 寵榮一瓢蟠木瘦松瘦三秀紫

芝莖匣許香楠貯賜帶孟教淨水盛頰白扈傳漢王

綠硯琢洮瓊是物皆堪供以上六種皆兩何年築始成

宮前後賜物

雖蒙頒扁額未敢計柴荆蟻蝨微生賤龍蛇尺幅盈万

鈞餘腕力 恩重倍難擎

塞外大風二十四韻索同直諸公和

天上箕星動山中月暈生土囊俄出口沙磧欲填平猛

拔群峰立喧招萬籟迎奔衝來若鶩颯沓去如傾牛馬

渾難辨蛟龍怒欲爭蓄威雷隱鱗助氣鼓砮鉤劔戟齊

攻壘波濤迫撼城餓鴟當晝叫饑虎傍人行鼠黠藏深

穴蟲僵踞斷莖草埋蛇鼻淺寒噤蝟毛撐昨夜還防雪

今朝竟得晴駢雲成片段轉石落崢嶸鴉起斜行亂雕

盤遠勢成向南惟雁路直上是鵬程曠本難終日狂猶

遲二更將收偏作力忽散寂無聲谷以虛能受心緣靜

不驚勿愁開索籥祇是聽竽笙袞袞除塵埃悠悠指旆
旌回頭千樹禿稱體一裘輕酒近移床暖爐添宿火明
却看天宇曠翻覺塞垣清落帽知何處飄蓬且自征蘭
臺多賦手小律尙同賡

行經玲瓏山下

鑿開渾沌得玲瓏片石居然絕塞雄地肺想從岩竇入
天台信有石梁通風雲噓吸千尋表日月迴環一竅中
莫怪經過屢回望佳名却與故山同

余鄉餘杭縣亦有玲瓏山

八月二十三日 上山行圍射獲白鹿一頭

恭紀十韻

白鹿非凡種仙山歲月長出當時有道瑞叶 壽無疆

敬業堂詩集卷三十三

七

洞口眠時月原頭望處霜明明開射的皎皎入圍場碧
斲千鈞鏃瑤星一道芒最宜矜並獻肯與豹深藏至潔
斑同雪如膏色勝蒼皮能留素質草不療金創雕狙充
庖味銀毫耀眼光謬慙陪羽獵作頌比麟祥

酉君分餉黎藕賦謝十六韻

行厨滋味重肥膩饜牛羊正爾宜佳果俄看致滿筐遠
分慈母惠特並故人嘗藕抱玲瓏質稜含沆瀣漿嫩疑
新出水紅似乍經霜洗剔親教淨摩娑愛倍常大瓢斟
雪汁小片截瓊肪鬆脆鳴牙頰芳鮮潤肺腸真堪解消
渴况乃佐清涼我本柴桑士居連苻藻塘踏泥風葉底
摘顆露籬旁賣菜多求益堆盤輒賤償幾曾虛野饋長

是及隣莊物理因希貴人情感舊長鑿池從憶白入谷
每思張二者今兼得何須問故鄉

道旁冢

其一在土城南岡上石獅二白碑一統
其一在土城東十里石几一石亭二上
刊孝敬之墓四字
姓名皆無可考

衰草茫茫近土城白碑相望兩荒塋當時馬革尸同裹
今日牛眠地總平野火漫容荆棘長塞田并乏子孫耕
有知合咲曹瞞拙欲刻征西占墓名

重過玲瓏嶺看霜林作十二韻

犖确重來路秋容最好時往年經雪早今歲得霜遲二
月花相似干林景特奇問名難辨種設色故多姿濃淡
丹黃葉交加爛熳枝簇來成綺繡踈處度旌旗換眼層
層別迴鞭步步隨已憐侵暮色還與發華滋粧點江南
畫鋪張塞外詩衰頽熏欲醉白髮巧相欺好事何人賞
登高此地宜丁寧朔風候且晚莫狂吹

聞同年顧書宣前輩湖廣訃音愴懷今昔成五

十韻

絕塞來函問初疑後果真恨難埋厚地狂欲問蒼旻憶
昔充鄉貢時同忝國賓紅箋通姓氏麗正約比隣名稍

居姜後

癸酉同舉京兆書宣名在
十八西溟十九余二十

心常與顧親雁行聯

弱羽魚隊狎凡鱗雨雪連床數篇章擊節頻嗜且
癖遭砭各無嗔搜剔疵瑕出銷鎔鑛鐵純偷來輸格律
讀罷爽精神自爾投膠漆何曾計屈伸禮闈看再舉臚

唱聽移旬獨脫囊中穎先呈席上珍列科登一甲同榜

得三人金馬聲華盛芝蘭臭味均甲戌殿試書宣第一甲第三庚辰余房師汪公自忘頻下第翻羨早抽身君

一甲第一皆癸酉同榜也病喜鷗情適閒教鶴性馴落帆揚子夜踏月

甲戌冬乞假回籍廣陵春出處都如夢參商那記巡分攜從甲戌會合又

庚辰却話青雲舊俱添白髮新木樨叅佛法黃葉證前

因黃葉打醒游于夢木樨叅透老僧禪余與書宣同宿天寧僧舍句也景已當搖落衰拚

向隱淪未成棲倦翼寧免作勞薪元老開黃閣微名達

紫宸壬午冬余因京江相國之薦召直南書房寸長嗟莫效六論咲空陳

釋褐推先輩含毫托後塵我仍留輦下君亦起漳濱

癸未冬書宣方還朝花底隨朝謁燈前惠討論詞源寬万頃筆陣

敬業堂詩集卷三十三

敵千鈞妙斲斤能運竒方手不龜輿圖歸指掌道路識

迷津乙酉冬書宣奉南薰殿纂輯方輿路程乙覽皆稱善公才久

合掄使車方簡命省試且陶甄場屋收羅鄴門墻進郊

詆為爐分玉石握管稱金銀瑁璫徒喧謗從容視咲顰

不慙膺特眷彌覺重詞臣紀進士榜發後事遂啟扶風帳重

持大雅輪楚材傳自古儒術近尤振辭闕還瞻戀之

官亦苦辛行期何苒苒別語太諄諄君于初春奉督學湖廣之命四月

中乃出都臨行時頗以善病為慮北轍俄經夏時余扈從避暑口外南轅似隔晨

鯉書猶待寄鵬賦忽遄臻江漢文星墜瀟湘士氣泯雖

云蒙寵異寔未展經綸澤國秋多慘騷人例豈循歸

旌千里遠宦况一生貧憔悴孤踪在淒涼往跡湮老年

殊少泪痛極爲沾巾

院長惠裘一襲賦謝十韻

推解情何厚炎涼序忽遷初過搖扇景已迫授衣天蒼
腋茸交密銀貂色最鮮製成微霰候拜賜朔風前輕暖
渾踰帛奇温又勝綿禿襟便跨馬短後稱垂鞭揚襲隨
時尚冰霜是夙緣曉披迴醉纈夜脫聳吟肩袖裏攜新
卷箱中感舊瓊傲裘從唱和回首十三年

癸酉冬余作
傲裘詩先生

與西溟實君元
龍皆有和章

謝院長贈馬十二韻

廿載曾徒步三年會上雍借驢長自咲騎馬忽相從華
廐蒙分賜貧家慮乏供品應超脫兔種本出飛龍

宋時
學士

敬業堂詩集卷三十三

十

例賜飛
龍廐馬

窅過風前影難尋月下踪蹴冰蹄似鉄批竹耳
成鋒一色全凝雪三花待刷鬃密看毛細膩垂愛尾蓬
鬆王濟雖多癖孫陽詎易逢駟馳憐盛壯剪拂愧衰慵
捷徑休爭取歸途幸見容最宜隨下澤安穩代扶筇

半截塔次院長韻

龍沙茫茫荒怪集佛界剗天絕梯級誰與此塔此山中
高湧蓮華嵌空立大千起滅微塵過小劫須臾轉輪急
頑礪亂礫湧作堆風雨猶疑鬼神入當時委蛻兩夫婦
華表歸來改城邑

相傳元時有某万户與其妻
棄官學佛歿後合葬于此

冰天下

歷巔頂平雪谷深埋半腰及我來訪古興桓地欲寫山
川入行笈每逢陳跡輒徘徊口業未停餘宿習草間定

有碑銘在野火燒殘沮如濕國書難考竒渥溫筆授惜
少鳩摩什公詩紀實良足徵歸去皇輿付編輯

院長惠家製金銀花露一餅賦謝二十韵

佳名傳本草舊識鷺鷥藤黃白移時變金銀任俗稱但
聞蕪葉曬寧寧解帶花蒸方法誰邊得園林手種曾栽培
無棄物筐筥亦時登籬密開從徧枝繁采勿勝製乘香
未散候視氣先騰倒挽河車水徐收井甃繩夜窗珠滴
瀝晨旭露鮮澄澹比初融雪清於乍釋冰恍疑仙掌露
直向玉盤凝出火經三日浮餅貯半升諒非供熱客間
或餉良朋邊地尤難致塵襟豈易膺流匙宜少許瀉盞
感多承點酒竒芬溢和茶別味增唇沾良已足肺潤更
相應沆瀣咨仙侶醍醐問老僧薔薇紅莫擬玫瑰紫休
矜白戰聊成咏慙無故事徵

重陽日度木倫喀喇沁

亂山高下入圍場掠面西風似弩強馬足聲乾千澗葉
雁群寒警一裘霜登臨豈必皆吾土今古閒消幾夕陽
記取題糕重九節燂毛燔肉共分饜

是日撤圍
賜饜一頭

雪後隨 駕度汗鐵木兒嶺

校獵秋初罷 回鑾雪乍零雲峯晴晶晶風磴曉冷冷
換景供吟筆收圖入畫屏万株枯樹頂獨愛一松青

重過唐山營

去日村村翠剡堆歸時碌礪廣場開天教朔野西成早

又待君王射兔來

發波羅火屯至藍旌營

劍分一嶺隔西東

自駱駝嶺東北爲拔獵之區其西南則山莊也

半月風光迥

不同沙磧人歸黃落後
山家烟起翠微中
年豐障塞秋先穫
水落浮橋路盡通
誰信古來甌脫地
築場樊圃入幽風

自星龕岩歸至烏城道中重見霜林西君有詩

再次前韵

過眼當搖落繁華又一時
地非千里遠候較兩旬遲
睽日晨猶麗烘霞暖更奇
黃留將雪景紅發未霜姿
秀拔多喬木輪菌乏醜枝
似燒原上火愛映酒邊旗
猶憶衝炎去曾經緩轡隨
綠陰晴借爽潤色雨添滋
忽換登高屐來題看葉詩
含情如見待有信不吾欺
榮悴天難主妍媸分各宜
本非松與栢那免受風吹

敬業堂詩集卷三十三

十一

九月十四日烏城旅舍連接諸弟諸兒兩孫入

信口占一律

燈花如穗吐烟煤
果有家書出塞來
三處豈應同日發
八函却喜一時開
勸餐兄弟憐年長
到眼兒孫抵夢回
爲報老懷殊不惡
地爐氈帳撥寒灰

重陽後十日入古北口

踏徧雲中雪
外山敝裘重脫柳
重攀寒花過節如
迎客朔雁先期已
度關官馬散隨黃犢
卧戍兵秋較老
農閒

勞生屬有駢馳分默數三年六往還

石匣城南村民有駕牛墾田者 上駐蹕親履

田間扶犁行百餘步一時觀者万人咸謂

聖主重農勸穡至意真千古所未有臣身叨侍

從目覩盛事恭紀二十韵

雲捲三秋稻霜清百頃陂 君王除警蹕郊甸正鉉基

近接 鸞輿過群瞻 玉趾移羽林分仗立耕叟執鞭

隨龍見天垂象牛馴 帝解縻沾犁皆雨露被隴即京

坻久悉艱難意重蒙疾苦咨事傳千載盛 恩豈一夫

私自昔豐穰慶嘗聞史冊垂紺轅曾屢駕黛耜亦頻施

千畝周官籍三推月令儀大都修典禮已謂致恬熙幾

敬業堂詩集卷三十三

十三

見勤民 主行當省歛時西疇躬自蹈田器手親持積

厚培尤力居高履愈卑九州胥樂土 萬乘是農師擊

壤歌相勸吹幽繪總宜人歡聲動地風遠播爲詩作所

陳無逸釐成付有司小臣慙頌述振古孰如茲

俞扶九寓齋賞菊分韻得時字

關榆塞柳別經時一夕從君那得辭衝雪人過重九節

傲霜花剩半開枝寒香泛夜差宜酒病眼經秋漸怯詩

記取燈前論聚散明年相憶在東籬

時余將請假南歸

題張研齋前輩桃花流水圖小照

時在西廬

北風夜狂轉冬律墜葉堦墀寒瑟瑟生綃忽展橫幅圖

暖氣春回映簾日垂楊夾岸水沒篙碧色染透胭脂毫

晴霞燒空半天赤點出万株深淺桃玉堂學士神仙客
每到花時懷舊陌鷺鷥翹足鷗刷翎下有鱖魚長一尺
船頭舉網船尾炊何如斫鱠留蓬池披圖空看畫中景
對鏡微添頰下髭我昨南帆經古皖棹入樅江春過半
至今清夢繞龍眠三十六峰紅不斷可憐此地不相逢
却在雲窗霧閣中青篛綠簑何日辦且教閒處付漁翁

敬業堂詩集卷三十二

敬業堂詩集卷三十三

古

敬業堂詩集卷三十四

海寧 查慎行 悔餘

西阡集 起丙戌十月
盡十二月

凡詞臣請假葬親者例移吏部須六年俸滿方與彙
題余自癸未入館甲申授職通計前後歷俸未滿四
年丙戌秋杪隨 駕歸自口外於直廬冒昧陳情叨
蒙 聖恩俯允所請誠異數也回思先母見背已三
十五年先君棄養已二十九年矣長恐溢先朝露負
土無期今乃得買地西阡歸營大事吾子若孫履斯
阡也當念貧家葬親之不易益感 聖朝卹下之深
仁則茲集所留涕泗之痕而已

敬業堂詩集卷三十四

恩賜白金二百兩恭紀十韵

竊祿清華地 霑 恩湛露天 朱提頒少府 白鏹逮微員
優倍三年俸 榮踰萬選錢 貺非金穴比 旨自玉堂宣
重馬歸時載 空囊補處穿 春衣還質庫 客座設毒殮 暴
富隣翁問 長貧 爨 姆 憐 每 持 清 白 誠 望 子 孫 賢 不 敢
辜 君 惠 行 將 置 墓 田 孤 生 餘 頂 踵 感 涕 爲 光 先 時先
人尚

未嘗葬將以 賜金買地 乞假葬親南歸 睿賜騾馬二匹恭紀二十韵

連騎 東朝出輝煌 照路岐來從蒺藜 苑產自渥洼 池

騾馬名雖別 龍麟種並孳 漆光明似鑑 騾色
純黑 紫酸潤無

疵 馬色
純紫 抖擻塵沙淨 開張骨骼竒 八蹄行互舉 雙尾立

交垂共飲無踈齧同槽免繫維曹韓師盡理湛岳比妍

姿東坡詩馬中天廐方登用房星忽下移聯翩驚異數

蓄錫荷恩私臣本駑駘質生逢特達知昨來衣白

袷今去鞚青絲屬有駟馳分真當愛惜騎芻茭慙厚給

鞭策敢輕施每憶重經處寧忘徒步時雪深東郭履寒

勒灞橋詩歸徑逡巡識苟人指點疑力衰輸盛壯心在

冀追隨數齒殊多感齊衡轉自嗤長鳴同戀主臨發

又遲遲

將出都留別院長及同直諸公四首

有生長恐負君親白首清班忝後塵蘭畹草生聊自

託鳳池鷗入亦相駟關門柳色三經夏苑路花光四及

敬業堂詩集卷三十四

春總是恩波最寬處就中容得濫竿人

窻窻先人久未營隨身挈涕每縱橫微官敢作歸田計

聖主能憐負土情篋有賜書裝不薄囊惟襍被累差

輕只慙驚鈍宜長放尚與驛驢逐隊行去年九月皇

年十月 皇太子賜驛馬一疋今

疋院長亦曾惠馬故及之天高仰報難情重繞朝新贈

勿論解組與彈冠直為九重禁闥深巖地七品年勞本

策夢深星瀨舊投竿金鑾

分官尚許衡茅專一壑猶能曝背話

得歸未掃舊巢痕用東坡詩中意去住心孤但自捫列宿回瞻

天北極單車獨赴國西門檀溪屋老將誰主粟里田蕪

尚有村長羨真鴻在寥廓不曾輕受稻梁恩

與潤木別於彰儀門外

自我住京師五年裘換紵名成時已晚恩重歸敢遽
子臣虞兩負方寸亂徐庶請急太匆匆痛深創寔鉅親
亡未克葬貧到傷心處追憶初喪時悲端非一緒汝時
尚角北至性本天具今來強仕踰將伯寔堪助同歸苦
未得時弟亦欲乞假而未遂乃事料難預送我出修門殷殷戒徒
御我行營大事家督難自恕饑凍固其常兒孫何足慮
來騎蹇驢來去駕柴車去風吹日杲杲飄散蘆花絮灑
淚各無言哀歌聊自叙

晚抵良鄉

近畿積雨後大道成塗泥舊時攔馬墻今作蓄水堤眼
中有岐徑涉足恒恐迷正賴孤塔高前行辨東西南來
者誰子賔從相排擠光輝溢路旁簇簇千輪蹄倉卒爲
引避我車若雞栖

早過涿州

曙色朦朧十里橋城端雙塔聳峒堯層冰欲裂風何橫
濃日如熏霧忽消新闢河淤半蕪沒舊攀沙柳尚蕭條
出畿便是田園路南望三千未覺遙

五更發高碑店

久作京華客鄉程夢易迷分明茅店月猶誤早朝雞

食安肅菜

老夫居貧曾種菜露韭霜菘成替代燭來竊食大官厨

百甕黃虀剩餘債歸程晚經安肅縣一碧環城雪初蓋
流涎大似逢麴車願朶腸鳴難久待頃筐雖乏園官送
求益何妨擔夫賣銀刀削葉土銜烹柔滑清甘美無對
花猪肥舛真堪唾野飯村沽差足配家童相顧旁愕眙
不信主人心篤愛我願當官知此味腴剝毋爲里閭害
又願民間無此色春社祈年秋報賽菜畦不蠖田不蝗
過客盤餐聊一快

渡三义河沙滋唐三水合流於此

百里平陂際白沙滋唐兩派滙三义樹頭小扇風旗影
舊識中羊名村賣酒家

重入東鹿境宿清官店先寄兒建十二韵

敬業堂詩集卷三十四

四

上谷南來少戍墩自張墩以南道旁無墩天寒日薄易黃昏重穿

野水平沙路又宿柴門老樹村地遠郊圻殊僻左人隨

歲月劇驚奔遠迎何敢煩丞尉黃丞趙尉至此相迎再到惟欣長

子孫顧我便能偕隱否問渠可有去思存時兒建循例量移將離任矣

一家飽暖踰初望百里絃歌盡國恩捧檄當時聊

自慰折腰今日且休論仰邀天幸年頻稔下賴民淳訟

少寃成就汝爲無過吏保全家是舊清門雖無餘力營

三徑已忝廉名遠九闌酒盞久拋思共把燈花何喜

遽能繁明朝飲馬滹沱側好對清流驗鬢痕

乙亥秋與許霜巖同過深州忽忽十二年矣重

經此地題壁依然時許遠宦滇南口占寄之

飛鴻一散天南北。拍爪痕從壞壁留。惆悵城南獨吟客。
夕陽隨影過深州。

饒陽道中作

我前冬日暖我後北風狂。向背苟異宜一身。判陰陽矧
乃別形體疾痛焉能詳。造物豈不仁。饑寒盈道傷目存
力匪逮。惻惻中自傷。

曉發河間黃昏抵大城縣

瀛海東來路漫漫。百里長田荒。薪比桂。潦退鱸如霜。牛
跡迷朝霧。鴉聲散夕陽。誰憐畿內地。經眼有蒼涼。

奉謁座主少宗伯許公於大城官署敬呈二律

一城斗大控河壩。析木遙從天漢連。永賴渠成傳万世。

敬業堂詩集卷三十四

五

暫勞公出已三年

時子牙河堤告成報績不遠矣

棠陰樹樹堤邊柳。膏

澤村村葑上田。漳滏滹沱皆底績。不曾輕費水衡錢。

秩宗兼職領司空。畿輔行看奏禹功。憶送擅車衝朔雪。

重來冰暑坐春風。何人愛士同迂叟。從此歸田望醉翁。

準備籃輿候三徑。先傳鄉信到江東。

曲路店遇吳元朗

去國非初約相逢。泪一揮余因營葬。出君亦帶星歸。

元時

朗丁衰柳催蓬鬢。枯風裂布衣。半生知己分到此。倍依

依

大風抵張夏戲題旅壁

四幅帷裳巧障風。到來村巷聚兒童。此中閉置疑新婦。

一咲那知是老翁

崗山栢

戢戢排行欲及千黃楊小厄故依然廿年野火荒山道
看爾幾成劫後仙

長清山行

曉露趁殘更荒雞失次鳴巖霜升井氣落木走風聲
道衝沙聚山牆疊石成大都生瘿俗磊塊總難平

泰安州題壁

少負狂名老好竒逢山興發尚淋漓如何十度城南宿
不敢輕題望岱詩

長至日山左道中即目書懷二十四韻

初學堂詩集卷三十四

六

一線添歸日初陽放曉晴細泉冰底咽枯草燒餘萌土
瘠逢人問年衰換節驚滿前憐凍餒即事歎淒清此地
初荒旱相傳半死生至尊憂獨切當事責差輕足陌
千緡給留漕万數盈不教移積粟專欲活殘甿碩鼠成
羣聚哀鴻四散鳴民貧寧樂禍官賑特空名受爵能無
愧增階竟冒榮牛羊難問種雞犬乍聞聲正使流亡復
懸知疾苦併如何經儉歲尚爾廢深耕聖餼郵亭麗修
治平道路平戍旗雙堠墟落短長程僅免追呼擾幾
同力役征辛勤偕婦女率作及兒嬰望幸心雖結安巢
計未成皇仁終見憫吏治亟宜更自咲犁鋤叟來隨
商旅行何曾受芻牧直是惜娶嫠暖律回鄉夢寒灰付

宦情所祈年穀熟終老卧柴荆

羊太傅故里

班書源可考系出泰山羊世已經千載魂應戀故鄉功名論際會氏族聞興亡峴首沈碑後何須感歎長

新泰城南望礮山

孤峯截斷連山脈大似人間獨立人地湧雲根浮縹緲一名青雲山天生石骨瘦嶙峋仰瞻泰岱旁無附平揖徂徠

近作隣不用多生閒草木免教榮落改冬春

旅店食雉兔作

頻歲叨陪獵秋田雉兔肥中官馳馬賜侍從掛鞍歸北上何年再南京此味稀經過慙野饋寂寞慰朝饑

敬業堂詩集卷三十四

七

蒙陰城東十餘里地名城子莊壬午初秋曾一飯於此水旱之餘居民百餘家轉徙殆盡惟舊時逆旅主人在耳感歎不已紀之以詩

敗茅頽壁兩三間百室漂流偶一還記得往年題句在豆花棚下看蒙山

抱犢詞

桃墟道中見一老叟抱黃犢騎驢而行戲作

東村牛旣秋不熟別向村西買黃犢買成抱上蹇驢騎驢尾稀如翁鬢禿驢今馱翁復馱畜步步施鞭毋乃酷人情厚薄從古然或加諸膝或墜淵

古明鏡詞

見道苑齋婦而作

人間有真色嬌者顏如蓮東家欲效之紅白調朱鉛衆

方賞塗抹羣謂醜者妍好女不自明詎藉旁人憐妍媸
果若從人定何用團鬪鑄明鏡

沂州出山

沙淺沙深穴復均一行疎樹帶烟郊山經齊魯青纔了
馬渡洗沂碧未膠小圃重樊因袂榭浮橋粗就賴蘆葦
經旬尚滯黃河北漸喜魚羹入客庖

淮北聞雁

風急霜清欲渡淮數聲客夢鷺鷥回與誰好作江湖伴
東坡詩我哀寄江湖老伴雜鷺鳴憐汝亦從邊塞來殘月曉催千片落
長天寒曳一繩開蓮房菽米沈波後集澤群多亦可哀
夏秋之交淮南北皆被水

敬業堂詩集卷三十四

八

從宿遷登舟連夜渡河

勞筋貪暫息買棹聽漁歌漸與江淮近自然鴻雁多涸
沙無斷岸急浪有盤渦忽報晨水合吾舟已渡河

黃河中流見月出口占一絕

誰謂河流濁吾疑徹底清一眉殘月影鏡裏看初生

發清江浦二首

南來步步遠風霾川路晨征一倍佳竹筵蒲帆渾不用
櫓聲如雁下長淮

編蘆縛荻聚成堆大舸多從江外來試問老堤堤畔柳
年年辛苦爲誰栽

重晤大司農徐浩軒先生於淮上二首

邊風朔雪灑重裘猶記鋒車一夕留却到淮陽冬候暖

滿窗紅日話中秋

中秋前先生復命至塞外于柳林口行帳中盤桓半日

河堤本是司空職計相重乘使者輶館閣人情久延竚

江湖粗了合還朝

先生以大司農兼翰林掌院教習庶常似不應久于外故云

張運青先生見餉食物遣人遠致于四十里外

以詩奉謝

見說官廚儉淮流孰與清於公無媿色餉我見真情追
送煩郵使分嘗徧老兵道旁傳異事此客勿相輕

寶應雨泊

冒雨衝泥取次行多年不聽滴蓬聲此聲好是治聾藥
老耳孤燈分外清

敬業堂詩集卷三十四

九

曉晴發寶應喜得順風先寄德尹揚州

安宜城外雨餘天晨旭初生血樣鮮湖似貫珠行不盡

秦少游詩高郵西北多巨湖纍纍相連如貫珠雲隨飛鳥勢爭先離心各抱二

年外短夢難禁兩日前一事報渠差快意好風添送順

流船

掛帆行六十里將抵界首風勢轉狂小舟不敢

下閘戲成二絕

閘口狂風撼柁樓隄邊驚浪聚浮漚何妨暫作須臾住

只笑荒灣遇石尤

石尤風緊人知避我獨逡巡避順風不謂有風行不得

掛帆何必急流中

高郵道中

北風吹折荒灘蘆，四無頃畝純浸湖。周遭三十六陂水，
中置一城形覆孟。蔣之奇詩中間可以置城，隱然高阜如覆孟。城頭角聲曉，
如訴城外人家半。漁戶我來正及積潦收，但見飛鳧導
前路。買魚射鴨值幾錢，所愁米貴厨無烟。水鄉作客大
不易，嗟爾居民誠可憐。

大雪夜泊瓜洲二首

茱萸灣北晨沽酒，瓜字洲南夜泊船。我自只如常日醉，
人言風雪滿江天。
歸途未免防冰雪，一月晴和竟似春。今日漁簑堪入畫，
天公原不薄歸人。

敬業堂詩集卷三十四

十

雪後渡揚子江

廿里風程一霎間，海門晴色帶潮還。白頭浪裏參差影，
看盡江南雪後山。

舟過丹陽有感於范堯夫事漫成一律

郵籤朝過曲阿城，又是江東第二程。一刺投名羞俗態，
十年爲客見人情。當時已少郭元振，故友誰如石曼卿。
預遣家書刻歸日，兒童不用遠相迎。是日遣老僕先歸

三十年來舟過無錫未嘗再游惠山口占解嘲

來往如梭三十年，不曾重酌德池泉。他時終作法雲老，
償取平生未了緣。

膠山在無錫縣東四十里九域志云山南有梁

蕭侍郎故宅今無可考矣

蕭蕭雁鶩鳴枯蒲南朝侍郎宅有無膠山漸近惠山遠
中隔芙蓉一片湖

渡尚父湖晚抵虞山二首

烟村雨浦瀟瀟濃忽入澄湖杳藹間常愛大癡橫幅好
不知粉本在虞山

長松高下蔭坡陀老柳參差蘸碧波咫尺吳門風景別
山塘十里稻堆多

過錢王友河亭話舊二首時已收身奉佛但未
廢飲耳

團蒲旁着一龕燈韞鎖中無杜伯升事見東坡詩長恐入門

敬業堂詩集卷三十四

十一

遭痛棒對君吾是啞羊僧

不愛天花作道場方緣消盡酒難忘白樂天有何處難忘酒詩從今

方丈維摩室添辦清香祀杜康

與許暘谷時許初自山右歸

一咲還家未覺貧奉承堂上白頭親可憐我亦稱人子

負米歸來晚爲身少陵詩負米晚爲身每食臉必泣

西阡雜感五首

銜恤三十年今方卜城域有身彌自痛負土假人力

其二

兩山如玦抱一水縈紆注落葉滿西阡別家墳上樹

其三

坡陁非丈五馬鬣是新封小著樊籬護須防鹿觸松

其四

墓田故無多又占數間屋庶望子孫賢既耕且還讀

其五

一門四兄弟去住難自主丙舍幸已成神傷對牀雨

木乞假未得

除夕與德尹信菴守歲二首

數雞斃酒餞殘年餽歲鄉風自昔傳不爲盤餐營口腹
老來情味合歸田

家貧未免思游宦及至成名累有官畢竟商量何計穩
白頭兄弟一堂難

敬業堂詩集卷三十四

十三

迎鑾集起丁亥正月盡一年

丙戌偏臘抵家營先人塋事畢將於西阡築舍爲
休息計會天子闕河南巡在籍臣僚例應遠迎

明年正月買舟渡河隨鑾自淮陽抵江寧至蘇

杭五月初於高郵送駕再展六月之假乃復歸

里通計一年中息肩不過二百日懶不作詩僅得

如千首

園梅垂放而主人將出門口占一絕

冰雪禁繁葢莓苔裹老枝吾閒猶未得不謂爾開遲

錢玉友有見寄長篇極論作詩之旨終以傳世

相期許兼承不朽之託連日阻風虎丘舟中無

事賦此奉訓

吾觀工畫人胸本蘊丘壑雲烟資變幻山水赴脈絡又
聞國手碁惜子不輕落翻新布奇勢全局如一著良醫
去成見因病施方藥巧匠先量材運斤乃盤礴弄射無
詭遇騶琴有驛攬高僧厭苦空入捧解拘縛老仙出狡
僧九鎖放橐籥惟詩亦云然衆美視斟酌神功須力到
佳境豈意度人皆信手成孰肯苦心作同心得錢子洞
見非隔膜惜哉方逃禪此道付糟粕偶然一吐露萬象
互疇酢足知精進墮隨事無退却投篇過推許不量余
所作平生知已分夙昔慎唯諾寧待遲暮年重爲不朽
託君其益自愛藏藁手親削

王友近編所作詩
九卷名撫雲集

夜泊京口

誰信勞生有路難山川猶作故鄉看風翻石壁連城動
潮滿江船出口寬細火一星疑遠市重裘二月尚春寒
東君不管梅花信任向高樓笛裏殘

奉和座主相國澤州公吳橋道中見寄之作敬

次原韵

時履
蹕南巡

浮浮薊北烟曖曖江南樹聞公陪輦出延佇凡幾度早
梅已飄香繁杏亦修燖惟占燕雀喜詎觸蛟螭怒挂席
下清淮馳情快前遇詩高有孤唱興愜無長路絮暖茱
黃灣風輕桃葉渡舊遊吟未足更向湖山去

院長揆公出都時亦有詩見寄清江舟中出以

索和奉次原韻並簡唐東江考功

清音天半落松杉吟傷仙舟響亦凡夜雨一篙平岬水
春蒲十幅渡河帆不辭醉咏花歌帽預擬題襟墨漬衫
爲報東江老居士速馳詩遞荅來函

揚州城外觀燈船和友人韻二首

琉璃一片映珊瑚上有青天下有湖岬岸樓臺開畫錦
舩舩絃索曳歌珠二分明月收光避千隊驪龍逐仗趨
不爲水嬉誇盛事萬人連夕樂堯衢

錦纜朱欄綵鷁群滿川春暖氣如熏倒窺銀海千枝燄
逆散金波五色雲雁齒初裝虹有暈魚鱗不動水無紋
君王到處皆勤政猶自宵衣坐夜分

敬業堂詩集卷三十四

十四

題湘雨禪師宙亭詩集後師乞余作序故落句
及之

九僧歿後名僧少今見詩中第十人傾倒益囊千斛水
洗空衣袂七條塵秋田領鶴精神爽春谷聞蘭臭味親
不敢與師多作序欲離文字證前因

初登金山

齋鐘浴鼓平生夢垂老方成扈蹕遊忽聽潮聲分兩派
信知樹影在中流千櫂雲霧浮孤塔三島樓臺聚一漚
終脫朝衫穿野袖卓菴閒地幸相留

清明喜霽再登金山同院長作

片颿重過潤州城曙色東來海氣晴千點桃花一江水

妙高峰下作清明

雨後隨 駕發龍潭抵江寧

晨隨羽衛發龍潭
雨氣初收日色暹
驛路馬嘶泥滑滑
野田雉雉麥漸漸
六朝烟柳攀曾岬
三月風花賣酒帘
擊壤吹豳聲一槩
尚煩 停蹕問茆檐

隨 駕謁明太祖孝陵恭紀十二韻

明祖山林在 天家祀典昭
千官隨虎旅 萬乘駐鸞
鑣風雨東來近 江關北睇遙
石城蟠脈厚 靈谷蓄泉饒
狐兔何曾窟 松楸竟不凋
運雖經鼎革 詔特禁芻蕘
下馬坊猶聳 祿恩殿忍燒
遺民安率土 聖主念前朝
本以仁除暴 還同舜紹堯
統傳心有契 社廢廟無祧
陵

敬業堂詩集卷三十四

五

戶煩增置神宮儼 舊寮霸圖卑
六代園寢任蕭條

院長見贈大篇過蒙推獎次韵奉酬

騷雅本正聲 沿流乃盡變
前賢不苟作 寸錦勝匹練
自從篇什繁 觀者目易眩
公才擬日星 有作万人見
圭璋既特達 氣類必引薦
賞奇神有交 嗜善誨不倦
手持大圓鏡 盡攝諸方彥
高談折深源 小智窮曼倩
伊余好陰咏 宿昔弄柔翰
駑駘百舍趨 追躡不及半
人言桃李春 自顧桑榆晏
雄辭荷獎借 照眼驚璀璨
穆穆被清風 嚶嚶發將旦
和章如草木 披拂聊供觀

自葑門至崑山舟中作

鯉魚橋外綵旗斜 乙未亭邊鼓笛譁
六十四涇烟水色

半隨 鳳舸泛桃花

鯉魚橋乙木亭皆在對門外見丘與權築塘記六十西涇詳吳郡志

立夏日吳山寓樓偕竹垞朱先生及鄭息廬馬衍齋素村家德尹爲櫻筍之會竹垞有詩和荅

一首

夏木陰中夏日長。小樓西面吸湖光。簾櫳昨夜猶春雨。花事今年偶故鄉。佳節重逢知幾度。白頭一笑抵千場。朱櫻紫筍家園味。容易山廚得飽嘗。

雨中隨 駕泛舟西湖次院長韵五首

看山曾向雨絲中。青苧竿頭弱柳風。今日船從天上坐。亭臺不與昔年同。

敬業堂詩集卷三四

十六

沿隄畫槩愛徐行。但換橋坊不改名。水墨圖中天一色。鸞鷺幾點去分明。

澄波何處著纖埃。寺面多從鏡裏開。放鶴亭邊聊一憩。居僧猶記探梅來。

搖曳垂楊淺水灣。心隨魚鳥欲忘還。裏湖行盡外湖出。又露西南兩角山。

老去論詩敢自豪。從公遊興尚陶陶。袖中攜得西湖去。十幅吟箋勝薛濤。

昭慶僧樓同年佟淵若學士步月見訪

滿川烟火氣熏蒸。誰解敲門問老僧。多謝同年能見訪。

上樓初點佛前燈。是夕湖舫烟火最盛

和淵若學士西湖雜咏四首

短牆高閣俯層瀾，中有幽人洗眼看。漫道放船隨處好，
烟波終讓外湖寬。時淵若寓段橋外

雙鳩啼雨又連朝，濕翠濛濛隔岬遥。好片蘇公隄畔柳，
映人騎馬渡虹橋。

賀監狂名老在無，酒船一櫂未應孤。心知不及閒鷗鷺，
拂雨翹烟占此湖。

四圍圖畫本天成，三面雲山一面城。多少才人吟不盡，
尚留佳句待先生。

雨中過南湖訪老友盛鶴江二首

幾桷新竹透籬根，一片蒼苔印屐痕。六七年來閒不出，

敬業堂詩集卷三十四

二

感君爲我特開門。

烟雨迷離又一春，舊遊如夢亦如塵。萬緣消盡詩名在，
猶替南湖作主人。

隨 駕重至虎丘寓直仰蘇樓下

好片生公石重來，似十洲爲逢僧話舊。猶認仰蘇樓

聞兒建到家之信

爲貧而仕全家出，末路何堪久別離。書卷拋來飽魚蠹，
田園荒後長榛茨。急流自信差能退，廉吏誰云不可爲。
比似遷官還校喜，燈花爲汝報歸期。

吳門舟次喜遇潤木假歸

誰傳遠信自京華，聞汝歸程漸有涯。驟見尚疑俱作客，

昨歸翻怪不同車
半年冰雪愁為減
飯江湖歡互加
錯料老夫詩是識
白頭兄弟盡還家
予去年除夕詩有白頭兄弟一堂難

重酌惠山泉

千章老樹蔭渟泓
不忝茶經第二名
急借匏尊蠲久渴
旋敲石火試新烹
僧無吝色從多汲
客有餘甘為一清
挈得餅罌須穩載
免教地主累張衡

奉謁侍讀秦公於寄暢園敬呈五章

石龍噴沫轉堦除
平碧中涵萬綠俱
信是有源能不竭
芴分一派給僧廚

合抱凌雲勢不孤
名材得並豫章無
平安上報天顏

敬業堂詩集卷三十四

七

喜此樹江南只一株
園中樟樹一本乃數百年物

山光水色盡沾
恩風月兼留雨露痕
堂中有山光水色松風水月諸

額皆十餘年來筆屢次題賜者
御頭白村翁傳盛事
鑿輿六度幸

名園

德門子弟婉荀陳
再見瓊枝玉樹新
謂洛生橋梓
却笑平泉

空作記世家難得是文人

韓公文體杜詩名
謝傅家聲白宦情
四海只今無執友

從遊應許老門生
辛酉先生典試江西廬陵彭公是科所得士慎行矣酉舉京兆又出彭公

門下例得稱門生

麥秋

桑疇宜暖麥宜寒
宵旰憂勤亦少寬
親見江淮民樂

業清和天氣好 回鑾

邵伯埭送 駕後歸舟即事二首

埭南埭北鱉魚肥 斗野亭邊興不違 說與故人應惜別 千帆送盡一帆歸

高寶中央地最低 秧針浮水水浮畦 露沙雨足牛蹄健 萬頃湖田盡架犁

與德尹自揚州連舫渡江

梅花開後草堂前 準擬春來共醉眠 此福兩人消不得 半年五上渡江船

入夏苦旱六月十五早偕鄉人禱雨烏龍井步 至菩提山真如寺二首

敬業堂詩集卷三十四

十九

淡月朦朧般若臺 沈沈海岸蔽黃埃 可憐我本無田者 足覓荒山乞雨來

臯蘇遺廟在巖阿 晉說友臨安志云鹽官縣東七十里有烏龍井廣四尺深七尺冬夏不竭

相傳臯蘇二將軍逐黃巢死於此因祠焉紹興十年歲旱禱雨即應勅賜濟福廟額在寺南六里 古井

年深不起波 好笑兩三垂 白叟便思泥首致 滄沱

耳聾

五官初廢一萬竅 爲收聲絲竹吾何與 雷霆衆自驚 少聞差省事多笑 豈無情社酒如堪治 明年試聽鶯

十月十七日病起過鄰僧融然房看菊

閒僧仍種菊 病叟偶還鄉 物色憐寒蝶 人情愛晚香 開遲經夏早 節爽似秋涼 對此增怙悵 吾家徑久荒

周濂溪先生家塾銅章一枚形製竒古其裔孫
歷世寶藏來索題句敬賦一章

道州崑起千年下聖學昭如揭日星遂使大儒承統系
猶留小器觀儀刑摩挲繆篆蟲魚古洗剔銅花翡翠青
不比還珠空寶積子孫長得護精靈

天寧詩僧文緯見過

夕陽影裏鴉投樹落葉聲中犬吠船久矣蓬門無剝啄
偶然葦岸有緣沿孤吟喜接金欄友一味能參玉版禪
時以冬筍見餉絕勝地爐煨芋在爲師飽喫送殘年

敬業堂詩集卷三十四

敬業堂詩集卷三十四

三

敬業堂詩集卷三十四
敬業堂詩集卷三十四
敬業堂詩集卷三十四

